

Revelesen

Ru kagin

¹ Gubak mi ru en mianuk lo yen a. Ago man Jesus Kristus inſen kuai te iganeg ilasa ya. Anut sen ru en Jesus ikubiai panig an lo in inanen urat tamol adi, melmel murnap ririanan ilasa san, amaiak niŋedi wo ikubiai pidinai dop duloŋ a. Ago dugo Jesus ru en kuai ipani wo inanen eŋel idinig, ru en isini ipalug ŋai Jon, Jesus anen urat tamol ipanag a.

² Ŋai Jon, mel fidian malag ŋutun lo ŋile amaiak, buk en lo ŋigire ya. An man Anut san ru agod ru rumok Jesus Kristus ikubiai panag a. Aria, ŋai igo ŋabol da, ru en man rumok a.

³ Ru en man profet ru, Anut san nag ipalu ya. Talpein ta in ru en aenta luluŋad lo isuti dan, in Anut san bar inane wa. Agod tamolpein a talpein an awan duloŋ go duri dupani dan dam, Anut san bar diŋane wa. Man dugo, Kristus san ru nuŋon ifu san saen sumeik ipalu la ya.

Jon Kris midaeŋ seven sad na ru igire ya

⁴ Ŋai Jon, ŋai ru e ŋigire yen man an Kris tamolpein nek a Kris midaeŋ seven, tan Esia lo amado dan anŋsami a.

Anut gamu imado dak, gubak mi imado ya, agod murna dop ipalu wa. In ka ilon ipanaŋ dop, ilo maror amado san ipanaŋ a. Agod ur seven Anut san kalik naon na dumado dan, in dam ilo panek, agod ilo maror amado san ka dupanaŋ a.

⁵ Nek ago mi, Jesus Kristus dam, ilon ipanaŋ dop ilo maror amado san ka ipanaŋ a. Inj Anut san ru itaot geig ibol ilasa da. Inj mi tamol malan te geig mutou* lo imasa ya. Agod inj dam kinj adi e tan na dumado den sad Tubun a.

Inj id niŋed o tubun mi imat da, agod injanen dar lo idsad aupasek fidian mi isasi panad an lo, muruan tiag kawan tumado da.

⁶ Agod inj itumanad go inŋsan kagin panek paen na tumado da. An lo man Kristus id idirad go inŋsan Taman Bai san pris adi igo wonj gamu tumado da. Aria, id saen fidian lo Jesus yaŋan tabisap yau a. Inj mi saen pempem melmel fidian itirnai san dabai aman da ya. Idsad per panek pempem nek ago yen yau a. Rumok.

⁷ Ale. Inj keit lo timtaen titiŋaem imado dugo ipalu da!

Ago dop tamolpein fidian mi inŋsed malad lo dile wa.

Tamolpein a gubak mi yu nam inj dusue yan dam dile wa.

Gugoi fidian a tan titin fidian lo dumado dan, Kristus ipalu dop dilep,

an lo ilod tubun mi saian pe tinaŋ tubun mi geig digane wa.

Nek a, rumok!

⁸ Anut igo ibol, “Ŋai mi imug ŋumado dak, agod ŋai mi murna ŋumado da. Ŋai gubak mi ŋumado yak, ŋai gamu ŋumado da, agod murna dop ŋupalu wa. Ŋai mi dabai fidian amag da ya.”

Jon inj Kristus ile ya

* 1:5: Nitou

⁹ Njai Jon, njai anjanem teimi, njai anj da Jesus san warou lo tumado da, agod njai anj da tutumanig id sisem muruan da madai da tisini da. Njai anj da Kristus san kagin panek lo tumado da, agod id fidian mi tatur dabai dugo muruan tisini na ya. Njai Anut san ru, agod ru rumok a Jesus ikubiai panad an dam njabol ilasa na ya. An ninjen o njai dukudag go subanek tamol onj njaug, nui ta yanan Patmos dubol dan te njumado se ya.

¹⁰ Ubou nal ta lo, Awan Urgan in njaisag ilo sou itirni dugo, tamol ta awan dabai geig ak, nek ibol barag san lilañan igo wonj, njai patug na iwagin dugo njalonj a.

¹¹ Awan an irupaiag go ago ibol, “Mel fidian e ule den man, buk lo girep, Kris midaen seven an sad na ganep yau a. Onj ka ganep Kris midaen o taun Efesus, Smerna, Pergamum, Taiataira, Sardis, Filadelfia, agod Laodisia na yau a.”

¹² Agog njai tamol enti njaisag na ininjen dan njile wo njadañsa man, lam gol seven an dutur dugo njail a.

¹³ Agod njai tamol kisaek lam an lulunjad lo itur dugo njile ya. Inj nek ibol “tamol nanun onj a.” Inj kulos milaen ak iganeg njien ibuluwi a, agod inj let gol titire na igane ilubani a.

¹⁴ Gumuran roun man milkouk geig a, nek ibol sipsip fufulun onj, tia, timtaen milkouk ak igo wonj a. Inñsan malan man nek ibol yai ided dak ago mi a.

¹⁵ Inñsan njien man milkouk geig a, nek ibol bras yai tubun ak fo dumarig san ilalañ ad ided dak ago wonj a. Inj awan njalonj ak san lilañan man, nek ibol dog kuror ak lo you isokalik dop san lilañan tubun geig ak ago mi a.

¹⁶ Inj patui seven banin won ak ate yabi da. Agod sabiri milaeen di malan uraru luon geig a, inj awan lo yen dugo ipalug ilasa da. Agod inſan naon man ilalaŋ geig a, nek ibol ad san ilalaŋ dabai ak ago mi a.

¹⁷ Nai inj n̄ile dugo n̄ien fun na sumeik mi tamol imat ak igo woŋ n̄au n̄adu ya. Ak man inj banin won ak iwateg ibiag dugo irupaiaŋ, “On ta urer na wa. Nai malan te geig n̄umado dak, agod murna geig n̄umado da.

¹⁸ Agod n̄ai tamol kumaen san n̄umado da. Gubak mi n̄ai n̄amat la ya, ak gug ule, gamu n̄ai kumaen pempem n̄umado da. Nai mateŋ san ki agod tamol dumat la yak sad abedi san ki dam n̄abi da.

¹⁹ “Ago yak niŋen o on̄ melmel e ule den, nek melmel gamu e yen den, agod melmel murnap dilasa wak dam, buk lo gire idu wa.

²⁰ On̄ gubak mi patui seven an banig won ak ate dien dugo wil la ya, agod lam gol seven an dam mi a. En man inj mel mianuk a, agod fun man igo ya: patui seven en man, Kris midaeŋ seven amaiak sad eŋel adi, agod lam seven an man Kris midaeŋ seven amaiak in̄sedi a.

2

Ru Efesus Kris midaeŋ sad na yau a

¹ “On̄ ru ta girep taun Efesus na Kris midaeŋ sad eŋel malan te yan san na yau a. Ru man igo ya.

Tamol enti patui seven banin won ak ate yabig, lam gol seven lulun̄ad lo tureŋ yabi dan, ru en aŋsam na iganeg ipalu da.

² An̄ Kris midaeŋ, n̄ai aŋanem kulob fidian, aŋanem urat dabai ak, agod muruan lo atur sakar

na yan n̄alon̄ la ya. N̄ai n̄alon̄ ak, tamol saiadi ak niñedi wo ayalis da, agod tamol ensauta a in̄sed aposel ago dubol dak gug in̄j aposel tia yan, bitinaek lo adiraig an lo in̄j kuai te dilasa man in̄j sewak tamol adi mi a.

³ An̄ muruan tubun mi dupanan̄ bo man atur dabai dugo, n̄ai yan̄ag niñen o madai wei mi asini na ya, agod an lo dam an̄ ta ayalis na ya.

⁴ Ak gug n̄ai an̄ niñemi wo ru igo yak amag da ya, saen an̄ imug ilom rumok an lo an̄ n̄ai o tubun mi amat se ya, ak gug gamu saen en lo man n̄ai o tubun mi ta amat na da.

⁵ An̄ au adu geig an niñen o ilom isou wa. An̄ gidad ilom ibilisa wa, agod kagin naok imug mi agane se yan ago mi fon agane wa. Ak gug an̄ ago ta agane na dop man, n̄ai an̄sam na n̄upalup, lam a in̄anen aben ate itur dan n̄upasip n̄abal yau a.

⁶ Ak man an̄ kagin uyan ak kisaek amam da ya. An̄ tamolpein warou a yan̄ad Nikolaitan dubol dan sad kagin niñen o ilom tubun mi saian da, an lo an̄ n̄ai da in̄aned kagin an niñen o ilod kisaek a.

⁷ Aria, talpein enti kududon da dop man, in̄ gidad Awan Ūr ru e Kris midaen̄ irupidai den ilon̄ uyanan a. Talpein enti yu igane itout dop, n̄ai dabai n̄upanip an lo, kumaen san ai ate anan̄ in̄anep yani wa. Ai an Anut san abi yan̄an Paradais dubol dan, ante isa da.

Ru Smerna Kris midaen̄ sad na yau a

⁸ “On̄ ru ta girep taun Smerna na Kris midaen̄ sad en̄el malan te yan san na yau a. Ru man igo ya.

Tamol enti gubak mi imado yak, agod murna dam imado wan, agod gubak mi imat ak, gug

gamu kumaen imado dan, ru en anşam na iganeg ipalu da.

⁹ Nai anşam na muruan di, madai dam ilasa yan naloŋ a. Agod nai naloŋ ak man, aŋ filiam tiag amado da. Ago bo man aŋ filiam amam da geig a. Taida mi, tamol aenta dam aŋ niŋem o uf ru dubol dan naloŋ a. Tamol an iŋ Juda sadi ak ago dubol da, ak gug iŋ Juda sad tia geig a. Iŋ Satan san midaeŋ mi a.

¹⁰ Saen kitekan dap aŋ muruan asini wa, ak gug an niŋem o aŋ gidad ilom ta irer na wa. Nai nŋurupaiaŋ da, Satan ago igane dop, iŋ tamol aenta aŋ lulunam lo subanek lo idirai a, ago dop an lo aŋ ikubianaŋ a. Saen an lo dop aŋ nal 10 muruan iŋ madai da asini wa. Gidad oŋ dufuno umat a, oŋane ilo rumok nai lo yan wabi dabai dop yaup umat a. Ago dop man, kumaen pempem mi mado san kob nŋupano wa.

¹¹ Aria, talpein enti kududon da dop man, iŋ gidad Awan Ūr ru e Kris midaeŋ irupidai den ilon uyanan a. Talpein enti yu igane itout pe, iŋ materŋ murnai an iriŋani dop madai an ta ile na wa.

Ru Pergamum Kris midaeŋ sad na yau a

¹² “Oŋ ru ta girep taun Pergamum na Kris midaeŋ sad eŋel malan te yan san na yau a. Ru man igo ya.

Tamol enti sabiri milaeŋ di malan uraru luon geig ak yabi dan, ru en anşam na iganeg ipalu da.

¹³ Nai aben a aŋ amado dan naloŋ uyanan a. Satan san kalik ante yen da. Ak gug aŋ nŋaisag yanag abi dabai da, agod aŋ nai niŋeg o ilom lo rumok a, anşam ilo rumok an tamolpein naod na ta atot na ya. Tamol Antipas amaiak nŋaisag a, anşam panu

nek a Satan imado dak ate inanen ilo rumok naj o ibol ilasag ninen o dufunig imat a. Ak gug saen an lo dam an naj patum ta apanag na ya.

¹⁴ Ak man naj an ninemi wo ru aenta amag da ya. An Pergamum na amado dan luluḡam lo, tamolpein aenta in tamol a Balaam dubol dan san kagin diabi da. Balaam san kagin man igo ya. Gubak mi kagin sewak Balak ikubiai panig, an lo Isrel tamolpein irawai dugo, aupasek lo diau dudu ya. An lo Balak Isrel adi iduduwaig, mudan a gob adi tubud sewak yai digane pidinai se yan diani dugo, jeit kagin dam digane se ya.

¹⁵ Nek ago mi, tamolpein naok ago yak ta an luluḡam lo dumado da, in warou a Nikolaitan dubol dan sad piteḡanek duri dupani da.

¹⁶ Ago yak ninen o an ilom ibilisa wa. Tia dop, naj gugurut nam anḡsam na ḡpupalup, sabiri e awag lo yen den, ate tamolpein an ḡafu wa.

¹⁷ Aria, talpein enti kududon da dop man, in gidad Awan Ūr ru e Kris midaeḡ irupidai den ilonḡ uyanan a. Talpein enti yu igane itout dop, naj mana a mianuk lo yen dan kitek in ḡpanip yani wa. Mana an Isrel adi tan kawan ak lo diani se ya, ak gug gamu mianuk lo yen da. Agod naj pat milkouk ak ta dam ḡpani wa. Nai pat ante yanḡak foun ak ta ḡgire wa, ak man yanḡak an tamol sen ak ta fun ilonḡ san tia ya. Tia, talpein a pat inane dan mi yanḡak an fun ka ilonḡ a.

Ru Taiataira Kris midaeḡ sad na yau a

¹⁸ “Onḡ ru ta girep taun Taiataira na Kris midaeḡ sad eḡel malan te yan san na yau a. Ru man igo ya.

Ru en man Anut Nanun anŝam na iganeg ipalu da. Inj malan ided dak yai balen igo woŋ a, agod nŋen dam ided da, nek ibol bras dusosisi uyanan ak igo woŋ a.

¹⁹ Kulob fidian an agane dan, nŋai nŋalon la ya. Nŋai nŋalon ak, an tamolpein niŋedi wo tubun mi amat da. Agod an nŋai niŋeg o ilom lo rumok da. An urat naon sensen ak lo aenta abinawai o agane da. An bo muruan wei mi an lo ilasa dugo atur dabai da. Agod nŋai nŋalon ak, kulob e gamu agane den, kulob a imug mi agane se yan iriŋani a.

²⁰ Ak man an niŋemi wo nŋai ru ta amag da ya. An pein Jesebel alefuni dugo in an da amado da. Pein an in profet ak ibol da. An lo in nŋaineg Kris tamol adi irawai dugo jeit kagin lo diau dudu da. Taida mi, in mudan a tamol aenta tubud sewak adi yai digane pidinai dan ka diani wo maŋau ipiteŋani da.

²¹ Inj ilon ibilisa wo nŋai ilog yen da, amaiak niŋen o saen subuŋan taidam nŋupani a. Ak gug ilon ibilisap jeit kagin ibisei wo man imoi a.

²² An niŋen o nŋai pein an subam lo nŋiganep, madai tubun ak inane wa. Ago dop tamol adi dida jeit digane na yan, pein an san kagin saiak ta dibiseip ilod ta ibilisa na tap, an niŋen o nŋai muruan tubun ak, agod madai tubun mi nŋupidinai a.

²³ Agod pein an inanen warou adi dam nŋafup dumat a. Ago dop an lo Kris midaen fidian dulon ak, nŋai man tamol ema ya: nŋai an ilom ilon lo, agod ananem kankan lo dam nŋukubianip ananem bunun mok mi nŋile uyanan a. An niŋen o kulob dugo agane dan inŝan naon nŋai an kisaek kisaek nŋupanan

a. ²⁴ Ak gug gamu aŋ tamolpein aenta, Taiataira san Kris midaeŋ lo amado dan, pein an san pitejanek ta ari apani na dugo, Satan san melmel imianuk geig go yen dan dam ta aloŋ na dan, aŋsam na ru en ŋabol ilasa da. Aŋ muruan subuŋan taidam asini wo ŋai ta ŋududuwan na wa.

²⁵ Aŋ melmel fidian nek a abi dan, gidad abi dabai dop na wa. Ago mi agane dop yaup saen ŋai ŋamul ŋupalu san ilasa wa.

²⁶⁻²⁷ Talpein enti yu igane itout dop ŋaisag ilobol mi iri ipani dop yaup saen wadan idu wan, ŋai igo ŋurupei da. Bai wagen lo dabai ŋiŋaneg, an lo tamolpein ŋitirnai ak ago mi, talpein an ŋai dabai ŋupanip an lo iŋ dam tan en san tamolpein itirnai a. Anut san ru ago ibol,

‘Iŋ itirnai dabai dop kiŋ san makud ain nam ifu irubai a,
nek ibol tamol bod igufutep kilaken kitiktik ilasa dak igo won ago igane wa.’

²⁸ Agod ŋai patui tidom lom mi mok ilasa dan ŋupani wa.

²⁹ Aria, talpein enti kududon da dop man, iŋ gidad Awan Ur ru e Kris midaeŋ irupidai den ilonŋ uyanan a.

3

Ru Sardis Kris midaeŋ sad na yau a

¹ “Oŋ ru ta girep taun Sardis na Kris midaeŋ sad eŋel malan te yan san na yau a. Ru man igo ya.

Tamol enti Anut san Ur seven aman da dugo patui seven dam iburou dan, ru en aŋsam na iganeg ipalu da. ŋai aŋ kulob fidian agane dan ŋalorŋ la ya.

Tamolpein an niñemi wo igo dubol da, 'midaen en malad kumaen dumado da,' ak gug an amat pasik a.

² An gidad kumaemi amasa dop lo ananem kulob kisaek kisaek dumat o sumeik dan dabai apidinai a. Man dugo, ananem kulob fidian nukubianig njile la ya, an niñen o kulob amaiak naisag Anut malan lo ta itaot na yak ago kuai nupani a.

³ Amaiak niñen o ru a gubak mi alon dugo anane yan, ilom isou wa. An ari apani dop ilom ibilisa wa. An njion mi abi dop ta amasa na tap, nai gumagam tamol igo won anjam na nupalu kisaek on a, ak gug saen dugon te nai nupalu san man an ta alon na wa.

⁴ Ak man ananem midaen Sardis na yan lulunad lo tamolpein kisaek kisaek inaned kulos nun ta dupani na ya. Tamolpein an in kulos milkouk ak didirip nai dida mator a, man dugo, in ago digane san man idaisuda ya.

⁵ Talpein enti yu igane itout dop, in dam ago mi kulos milkouk ak igane wa, agod nai kumaen san buk lo yanjan ta nusuas na wa. Tia, naisag Bai naon na talpein an yanjan nabol ilasa wa, agod insan enjel adi naod na dam yanjan nupate wa.

⁶ Aria, talpein enti kududon da dop man, in gidad Awan Ur ru e Kris midaen irupidai den ilon uyanan a.

Ru Filadelfia Kris midaen sad na yau a

⁷ "On ru ta girep taun Filadelfia na Kris midaen sad enjel malan te yan san na yau a. Ru man igo ya.

Tamol enti a gun an, agod kagin rumok ak aman da yan, ru en anjam na iganeg ipalu da. In Dawid san ki yabi da, an niñen o dalawan dugon ipasi

man, talpein ta ifutani san tia ya, agod dalawan a ifutani dan dam talpein ta ipasi san tia geig a.

⁸ Njai kulob fidian a an agane dan nalon la ya. An ninen o ale, dalawan ta an naom na nai npasig ikasap go yen da, amaiak tamol ta ifutani san tia ya. Ak man nai nalon ak igo ya. Anjanem dabai man tusan a, ago bo man an naisag ru ari apani na ya, agod an tamolpein naod na nai yanag ta atot na ya.

⁹ Tamolpein a Satan san warou lo dilasa yan, in Juda sad warou lo yak dubol da, ak gug an rumok tia ya, in sewak tamol adi. Nai tamolpein an niriiaip an sam na dupalu dop niem fun na turud dusoluwi wa. Agop nai in nusodudunaip insiganed awad lo, nai an ninemi wo tubun mi namat ak ago dubol a.

¹⁰ Gubak mi nai ru en nurupaian a, an muruan fidian lo atur dabai a. An ru an ari apani na ya, an ninen o nai an nubarikiran a. Kubianek saian geig ak ipalu da, an lo tamolpein aben titin fidian lo yan ikubianai wo ilasa wa. Ak gug saen an lo nai kagin nupanan dop muruan an irinanan a.

¹¹ Saen nai tan na namul npalu wan ipalu sumeik la ya. Melmel fidian an abi dan man, gidad abi dabaip yen a. Kabelan talpein ta anjanem urat naon igam banau.

¹² Talpein enti yu igane itout dop, naisag Anut san ubou ab lo in bag tamol igo won nguni wa. Ago dop in Anut san ubou ab ibiseip kuai te ta ilasa na wa. Tia geig a. Agod nai naisag Anut san yanag in tinin fo ngire wa. Agod naisag Anut san taun tubun ak man, Jerusalem foun a, amaiak san yanag dam, agod naisag yanag foun ak dam, in tinin fo ngire wa.

¹³ Aria, talpein enti kududon da dop man, in gidad Awan Ur ru e Kris midaeņ irupidai den ilon uyanan a.

Ru Laodisia Kris midaeņ sad na yau a

¹⁴ “On ru ta girep taun Laodisia na Kris midaeņ sad eņel malan te yan san na yau a. Ru man igo ya.

Tamol enti yaņan ‘Rumok’ dubol dan ru en aņsam na iganeg ipalu da. In mi ru rumok san tamol, pempem Anut san ru an itaot geig ibol ilasa da. Melmel a Anut igane yan tamol enti a yaņan ‘Rumok’ dubol dan mi sad Tirnek Tamol imado da.

¹⁵ An kagin fidian a agane dan űai űaloņ la ya. An ta bubarum na dak, agod an ta wananan na da. Naisag ilog yen dak man, an wananan amado wa, tia dop, an bubarum mok amado wa.

¹⁶ Ak gug an wananan geig tia ya, agod an bubarum mok dam tia ya. An wananan tusan mi a. Ago yak niņen o awag lo űai an űugulanaņ o da.

¹⁷ Man dugo, an igo abol da, maņ moni wei mi, agod biouņ naok fidian dam amam da ya, an lo mel ta lo katuk am man tia ya. Gug űaisag leil lo man, an saiami geig a, tamol fidian an niņemi wo ilod ka imuņanaņ a, an filiam tia ya, agod malam itau di taem kawan amado dan, an an fidian ta ale aloņ na ya.

¹⁸ Amaiak niņen o űai kankan emaiak űupanaņ o da. An űaisag na apalup melmelibunawaņ san ka adad a. An gol yai lo dumarig itaotan ilasa yan adad dop man, an filiam mok amam da wa. Agod an kulos milkouk ak tinim atuani san adad dop man, tamol adi an taem kawan amado dan ta dile na wa, an lo miai ta ifunaņ na wa. Taida mi,

an marasin malam te abubuni san adad dop man, aban ka ale wa.

¹⁹ Tamolpein a naj ilog nupidinai dan man, naj ru lo kududod nabip bu dam nupidinaip lo inaned kagin naok naok nukubune wa. Amaiak ninen o an ilom ibilisa dop naisag dal ari apuni san ninen o dabai agane wa.

²⁰ Alon ak, naj dalawan te natur dugo nuwagin da. Ago dop talpein ta naj awag ilon pe dalawan ipasi tap, naj niladup in da mumado wa. Ante naj in da anan mani wa.

²¹ Talpein enti yu igane itout dop, naj in dabai nupanip an lo in naj da naisag kalik fo mumasip mumado wa; nek ibol gubak mi naj dam yu nigane itout go, Bai san kalik fo numasig in da mumado yak ago mi a.

²² Aria, talpein enti kududon da dop man, in gidad Awan Ur ru e Kris midaen irupidai den ilon uyanan a.”

4

Kumaen panu lo Sipsip Nanun san ubou leil

¹ Murnag naj malag yau man, kumaen panu na dalawan ta ikasap lag yen dugo nile ya. Ago man tamol en gubak mi, barag igo won awan tubun mi ibob dugo nalon man, gamu igo ibol da, “On ente palup sida dop man, naj melmel murnap ilasa san nukubiaip ule wa.”

² Agog Awan Urgun tuon aman da naisag na ilasag malag nutun ile kisaek on a. Malag yang kumaen panu na kin san kalik ta itur dugo nile yan fufo, Tamol ta imasig imado dugo nile ya.

³ Tamol en inſan rafulei man kadabog a, nek ibol pat ta yaſan jaspada dubol dan, agod san daran ak dam nek ibol pat ta yaſan konilian dubol dak igo woſ a. Galbaob kiſaek kiſan san kalik ilubanig, inſan rafulei man mum* mok, nek ibol pat a yaſan emeral dubol dan igo woſ nile ya.

⁴ Kiſan san kalik fun te kalik aenta 24 dutur dulubani a. Matu gurman adi nuſod 24 kalik an fufo dumasig dumado da. Matu gurman adi an man in kulos milkouk milmilae ak didiri dugo, kitikat gol lilit aman da yak kabuſad fo didirig dumado da.

⁵ Kiſan san kalik fo na weil irafule dugo nile ya, agod liliſan funfun dilasa dugo weil tubun mi iliſan dugo ſaloni a. Kalik malan te yan naon na man sul seven dided dugo dutur se ya. Sul seven an man Anut san Ur seven ama ya.

⁶ Agod kalik an naon na man, mel ta ſaiſag leil lo nek ibol beig galas igo woſ, agod you malin malan ſiſaokan ak igo woſ a.

Ago dugo melmel iwoiwo kumaedi dumado dan, in kiſan san kalik dulubanig dutur da. In kalik a ſukurun iwoiwo yan da duſatuanig dutur dugo kalik diſaſuſani da. Inſad maladi man wei mi geig, naod na patud na tinid fidian inaneſute ya.

⁷ Mel malan te kumaen imado dan man nek laion on a. Mel taida mi kumaen imado dan man, makau tamol ak on a. An tinin te taidam, kumaen imado dan man naon nek tamol on a. Agod mel a murna geig kumaen imado dan man, bog ta irou dak igo woſ a.

⁸ Melmel iwoiwo e kumaed dumado den, in anen anen ſubarid 6 amad da ya. Agod maladi

* 4:3: Grin

man wei mi geig, tinid ibuluwi yaug, subarid paen na dam yen da. Ago dugo in ad tidom bar en pempem igo diabi da.

“Tubud Anut in dabai fidian aman da ya,
in gun di gun agod gun geig a.
In gubak mi imado yak, gamu imado da,
murna dop man ipalu wa.”

In yaes bilabal amad tia ru en dubol da.

⁹ Melmel e kumaed dumado den, Tamol a kin san kalik fufo imasig kumaen pempem imado dan ninen o, saen pempem mi uyasusai digane da. An lo na yanjan diabisa dugo, ilo uyan dam dupani da. Agod nal fidian melmel iwoiwo kumaed dumado dan, ago mi digane da.

¹⁰ Saen ago digane dan lo, matu gurman nunod 24 yan, in Tamol e kin san kalik fo imado den naon na turud dusoluwi da. Agog in Tamol nek a pempem mi kumaen imado dan in ubou an dile da. Ago dugo insiganed kitikat gol aman da yan dupasi dugo, kin san kalik naon na sumeik mi diabibol idu dugo, bar igo diabi da.

¹¹ “Tubun ak, on mansama Anut, on girager ama da yak, on yanja lak na geig ak, agod on dabai ama da ya.

An lo tamolpein kagin amaiak ninen o per dupano wa, agod in ago digane san man on idaisuda mok a.

Man ata wo? On mel fidian onsigane ulon ak lo gane ya,
an lo mel fidian ganeg dilasa yan gamu on tuo lo mi dien da.”

5

Buk dufutani ak Sipsip Nanun awan ipasi a

¹ Tamol en kiŋ san kalik fo imasig imado dugo, tuon won ak ate buk ta yabi dugo ŋile ya. Buk en man nek ibol pepa milmilae ak dubuleg dufou yak igo woŋ a. Pepa an man girek naon ananae mi dien da. Pepa an dulumu yaug titin seven an lo, kendel san gurenŋ nam dufou dababai dugo kendel san gurenŋ seven an fidian mi tinid fo na kob ta digane ya.

² Ago man ŋai eŋel ta dabai aman da geig ak, awan tubun mi igo isasaig iwagiŋ dugo ŋile ya. “Tamol idaisuda yak enti, iŋ kendel san gurenŋ e lo buk dufoug yen den ka ifulalep ipasi wak i?”

³ Ak gug tamol ta iŋ ka buk en awan ipasip, ilon lo girek isuti san tia ya. Kumaen panu lo, tan na, agod tan paen na dam ate abanŋ an diabi se yak gug tamol ta idaisuda yak dile man tia ya.

⁴ Saen tamol ta iŋ buk en awan ipasip, ilon lo ru isuti san dile man tia dugo ŋai ŋile man, tinarŋ tubun mi ŋigane da.

⁵ Agog matu gurman ta igo irupaiag a, “Oŋ ta tata na wa. Ule, Laion e Juda san dar lo ilasag yen den man, kiŋ Dawid san tubun muroun sad kubuladi, iŋ yu igane itout dugo iŋsan ager adi ibiai dudu ya. Ago yak niŋen o iŋ ka kendel san gurenŋ seven a ate buk dufutani an ipasip ifulale wa.”

⁶ Agog ŋai Sipsip Nanun ta itur dugo ŋile ya. Inŋsan leil man dufunig imat ak igo woŋ a. In kiŋ san kalik titiŋaem itur dugo, mel iwoiwo a kumaed dumado dan, agod matu gurman adi dulubanig

dutur se ya. Inſan fai an seven, ago dugo malan dam seven. Malan seven nek an Anut san Ur seven ama ya. Malan seven an Anut idinaig tan titin fidian lo dufufurak go diau a.

⁷ Aria, Sipsip Nanun yaug Tamol a kiſan san kalik fo imado dan banin won ak ate buk inane ya.

⁸ Saen buk an inane man, mel iwoiwo kumaedi dumado dan, agod matu gurman adi nuſod 24 an dam, Sipsip Nanun njen fun na diau dudu ya. Matu gurman adi anen anen in mel ta gita igo won,* agod gol daeg kisaek diabi se ya, ago dugo yakas mumalun uyanan ak daeg an fidian lo ilasa se ya. Yakas en man nek Anut san tamolpein sad gudanek amaiak touad yabi a.

⁹ In bar foun ak ta igo diabi da,
 “On buk naneſ kendel san gureſn ate buk dufutanig dufou yan fidian on paſi san ulon a.

On ago gane san man idaisuda geig a.

Ata wo, in on dufuno umat dugo,
 onane dar lo tamolpein Anut tuon lo dirai san udad a.

Tamolpein aenta man, warou fidian lo yak, muroun ru fidian lo yak, tinik naon sensen lo yak, agod tan titin fidian lo yan on udad unjal a.

¹⁰ On in tumanaig an lo Anut san kagin panek an paen na dumado da, ago dugo in dam Anut san pris adi dilasa ya.

Agod in tan na kiſan igo won dumadop tamolpein ante dumado dan ditirnai a.”

¹¹ Agog nai malag yaug enel wei geig nel dugo sad awad njalon a. Inſad sutek man milion milion

* 5:8: Harp

geig agod tausen tausen geig a. Inj mel kumaedi dumado dak, matu gurman adi, agod kinj san kalik dam dulubanig dutur se ya.

¹² Inj awad tubun mi bar igo diabi se ya,
 “Sipsip Nanun e dufuni imat en,
 inj dabai, filian, manjau, tuon dabai ak, yanjan lak na geig ak, girager agod per dam, amaiak fidian injane san idaisuda mok a.”

¹³ Ago man njai melmel fidian Anut igane yak sad ru njalonj a, melmel nek a kumaen panu lo yak, tan na dumado dak, agod tan paen na dien dan, beig lo da mi a. Mel a fidian aben fidian lo dien dan, igo dubol dugo njai njalonj a.

“Tamol e injsinan kinj san kalik fo imado den, agod Sipsip Nanun dam,
 inj sisem per panek, yanjak lak na yak, girager, agod tuon dabai ak da nek ago mi pempem mi dijane wa.”

¹⁴ An lo mel nunjod iwoiwo kumaedi dumado dan, igo dubol, “Rumok!” Ago dugo matu gurman adi turud dusoluwig, urarum naod na ubou dile se ya.

6

Sipsip Nanun kendel gurenj buk dufutani an ya-futeg ipasi a

¹ Njai leil njiganeg Sipsip Nanun inj kendel gurenj malan te yak yafute dugo njile ya. Agog mel iwoiwo kumaedi dumado dan, lulunjad lo kisaek inj ru ta ibol a. Injsan kulagun man weil ilinjan onj da, inj igo ibol, “Palu!”

² An lo njai malag yau man, tamol ta inj hos milkouk ak fufo imasig fui yabi dugo njile ya. Inj

tamol yu iganeg itout ak san kitikat kisaek dupani a. Inj man tamol yu igane itout ak igo wonj a, aria, tan na ilasag yu iganep itout san ninjen o yau dugo njile ya.

³ Saen Sipsip Nanun kendel gurenj tinin te buk dufutani an yafute man, njai mel a tinin te kumaen imado dan igo ibol dugo njalonj a, “Palu!”

⁴ Agog hos sen ta ilasa yak man daran a, nek ibol yai balen tubun ak igo wonj a. Tamol a fufo na imado dan dabai dupani a. Dabai an man, tamolpein tan en san injaned maror nugngug lo yan ipasi yau san, an lo tamolpein dumasap nugngug lo yu digane dop lo materj dile wa. An ninjen o sabiri tubun ak ta dupani a.

⁵ Saen Sipsip Nanun kendel gurenj utol buk dufutani an ipasi man, njai mel a tinin te kumaen imado dan igo ibol, dugo njalonj a, “Palu!” Ante njai malag yau man, hos bilkas ak kisaek ilasa dugo njile ya. Tamol a fufo na imado dan inj skel* kisaek tuon lo yabi se ya.

⁶ Ago man njai mel iwoiwo a kumaed dumado dan, lulunjad lo lilijan ta nek ibol tamol awan lo ru ibol dak igo wonj njalonj a. An lo man awak en igo ibol, “Onj waup ananj kiskisaek daonj pidinai a. Ago dop tamol ta nal kisaek urat igane yan san naon injanep ate wit bod nanun ak kisaek ka idad a, tia dop, bali bod kititik utol mi ka idad a. Ak man onj ai oliv agod ai wain da daonj ta pidinai na wa, an lo dop ai uraru an gurenj lo ta katuk amadi na wa.”

⁷ Saen Sipsip Nanun kendel gurenj iwoiwo san buk awan dufutani an ipasi man, njai mel utol an

* **6:5:** Ru en man, muruan ibitinae san.

tinin te kumaen imado dan igo ibol dugo ɲaloŋ a, “Palu!”

⁸ Ɲai foun mi malag yau man, hos tinin mater san kitek milkouk ak ta ilasa dugo ɲile ya. Tamol a fufo na imado dan inŋan yaŋan Mater, agod aben a yaŋan Ades dubol dan lo tamolpein dumat la yak dumado dan man, Mater patun fo iri ipalu se ya. Nuɲod uraru an tamolpein warou iwoiwo lo ditarpalep, warou kisaek dufu dumat san dabai dupidinai a. Ago dop uraru an kadag[†] lo, subam naon funfun lo, sabiri nam tamolpein dufup dumat a, ago mi tan san bor goun kasik ak dam dufu dumat a.

⁹ Saen Sipsip Nanun kendel gureŋ kafenda ipasi man, ɲai tamolpein dumat ak ɲutudi alta paen na dumado dugo ɲeil a. Gubak mi tamolpein nek an man, in Anut san ru diabi dabai dugo inŋan ru itaot dubol ilasa na ya, an niŋen o ager adi tuod lo mater dile na ya.

¹⁰ Tamolpein ɲutudi an awad tubun mi igo duwagin se ya, “O Tubun en, oŋ Dababai a, oŋ gun di rumok a. Saen sapta yau dop man, oŋ tamolpein tan na dumado den kubianaip inaned ai wadan niŋen o ilo sou gane wak i? Maŋ iloma igo yen da, in dufunama mamat san naon oŋ ririan ka pidinai a.”

¹¹ An niŋen o kulos milmilae milkouk ak, tamolpein kiskisaek dupidinai dugo, ru igo durup-ida a. “An gidad yaes kitek abal gup, murna dop man ager adi ananem urat kisaek adi Kristus nien aban duri dan dufup dumat a, nek ibol ansem dufunan ak igo mi a. Aria, Anut tamolpein sapta

[†] **6:8:** Futol

materj dile san kob ipidinai la ya. An lo materj diñane yaup inñaned sutek san kob idaisuda wa, ago dop Anut ananem ager adi yu digane yan naon ipidinai a.”

¹² Agog Sipsip Nanun kendel gureñ siks an ipasi dugo ñile ya. Ñai malag yau man, kanaurig tubun geig ak dam tan na ilasa dugo ñile ya. An lo man ad bilkas, nek ibol tidom tubun ilasa woñ a. Kalam dam nek ibol dar igo woñ daran geig ilasa ya.

¹³ Agod keit san patui man, nek ibol tim tubun ak ifure dop gurab nuñon ta ilubon na yak iku-parip tan na dudu dak igo woñ, nek ago mi patui an tan na dudu ya.

¹⁴ O lak na keit dam yau itout a, nek ibol taweg dulumi yang dufou ak on a. An lo na did dam nui dam dusuk diaug inñiganed abed dibiseig aben sensen lo diau a.

¹⁵ An lo man tan san kiñ adi agod tamol yanjad aman da yak, yu tamol adi sad gurman adi, moni tamol adi, tamol dababai ak, bigabeg adi, tamol kawan dumado dak, fidian mi geig dusol go diau a. Aenta pat tutubun a did lo yan patud fo dimianuk dugo, aenta pat guburan lo dimianuk a.

¹⁶ Agog inñ disasai dugo did inñ pat da digiaig igo dubol, “Anñ gidad adup mañ atuanama dop, Tamol e inñsinan kiñ san kalik fo imado den, mañ mile san niñen o abtuanama wa, man dugo, inñanen naon mile wo tubun mi marer da. Agod Sipsip Nanun mañ niñema wo tiñae imumari da, amaiak mañ siñirema na ta ilasa san niñen o adup atuanama wa.

¹⁷ Enta wo? Nuñod uraru en sad nal tubun ak ilasa la ya, nal an lo man inñaned tiñae mumarek tamolpein ifu wa. Amaiak niñen o enti inñ uraru an

sad dabai yabiani dop imado uyan ak i? Tan en lo talpein man tia geig a!”

7

Isrel tamolpein 144 tausen kob diñane ya

¹ Mel en fidian itout dugo, ñai eñel iwoiwo tan titin iwoiwo ante dutur dan ñeil a. Inj tan titin iwoiwo yan san tim diabituan se yan lo tim ta ifure na ya. Tim an tan na, beig lo, agod ai fidian ta iwi na ya.

² Ago man ad ilasa san banjen lo eñel ta ilasag ipalu dugo ñile ya. Inj banin lo tuod* ta kinj san kob aman da yak yabi se ya, an lo mel kob igane san man, Anut a pempem kumaen imado dan inñsan mi a. Eñel iwoiwo yan gubak mi Anut dabai ipidinaig, an lo murnap inj tan beig da ka dupitijnai a. Aria, eñel a imug ñile yan awan tubun mi lo eñel iwoiwo yan igiai a.

³ Inj igo ibol, “Anj tan, beig, agod ai da, gugurut nam muruan ta apidinai na wa. Tia, manj idsad Anut san kob, inñsan urat tamol adi naod kapen fo migane gup, melmel an malad ka asue wa.”

⁴ Agog tamolpein sapta kob a diñane yan dubol dugo ñai ñalorj a. Sutek an man tamolpein 144 tausen, sisem kob an diñane ya, tamolpein an Isrel san gugoi anen anen luluñad lo dilasa ya.

⁵ Juda san gugoi lo 12 tausen kob diñane ya.

Ruben san gugoi lo 12 tausen,

Gad san dam 12 tausen.

⁶ Ago mi urig 12 tausen ta Aser san gugoi, 12 tausen ta Naftali san gugoi,

* **7:2:** Kinj san mitilaen ai fo dusuwari ak

12 tausen ta Manase san gugoi lo ya.

⁷ Nek ago mi 12 tausen ta Simion san gugoi,

12 tausen ta Lewai san gugoi,

12 tausen ta Isakar san gugoi lo ya.

⁸ Nek ago mi 12 tausen ta Sebulon san gugoi,

12 tausen ta Josef san gugoi,

12 tausen ta Benjamin san gugoi lo ya.

Tamolpein en in Anut san kob dinjane ya.

Tumanek tubun ak lo tamolpein kulos milkouk ak didiri da

⁹ An itout dugug naj malag yau man, tumanek tubun mi geig kin san kalik, agod Sipsip Nanun dam, naod na ditilianig dutur se yan nej a. An lo man talpein ta isutai san ta ilon na ya. Tamolpein an man warou fidian lo, tinik naon sensen lo, muroun ru fidian lo yak dupalug dutumani a. In kulos milkouk milmilae ak didiri dugo, banid lo man pator roun duburou se ya.

¹⁰ In awad dabai geig igo duwagin se ya,
 “Idsad patu pasek an man, Anut a inanen kalik fo imado dan,
 agod Sipsip Nanun dam, in nujod urarum patu pasek an san fun mok a.”

¹¹ Ago dugo enel fidian man, kin san kalik, gurman adi, agod mel iwoiwo a kumaed dumado dan dida dulubanaig dutur se yan, ditakoksig naod kapen tan dusueg Anut ubou an dile ya.

¹² In igo dubol,

“Rumok geig, per, girager,
 manau, ilo uyan panek, yanak tubun,
 dabai tubun, agod tuon dabai geig ak dam,

an fidian pempem mi man Anut san mi a.
Rumok!”

¹³ Agog gurman ta tamol gurman adi luluᅇad lo yak ᅇai igo isumianag a, “Tamolpein nek a kulos milmilae milkouk ak didiri an, en sauta yak i? In aben dugon te dupalu yak i?”

¹⁴ Ago man ᅇai ru naon ᅇurupeig ᅇabol, “Tamol tubu, oᅇ mi uloᅇ a.”

Agog in igo irupaiag a, “Tamolpein en man muruan tubun ak madai da lo, Anut irapasaig kuai te dilasa ya. In gubak mi Sipsip Nanun san dar lo inaned kulos dufulanig, kulos an milkouk geig ilasa ya.

¹⁵ Amaiak niᅇen o,
“In Anut san kalik naon na dutur da.

Ad tidom inᅇsan ubou ab lo dumado dugo, Anut o biabi digane da.

Tamol a inanen kalik fo imado dan, in dida sumeikan dumado dop dumui igo won ibalfutanai a.

¹⁶ In fon kadag ta ibiai na wa,
agod in kulagud ta igos na wa.

Ad dam tinid ta inani na wak,
mel ta tinid iganep wananan geig san tia ya.

¹⁷ Ata wo, Sipsip Nanun in kiᅇ san kalik titiᅇae mi imado dan, inᅇsad titianek tamol imado wa.

In kumaen san you ibanai dan san aben ate diau san niᅇen o ulum ad yabi wa.

Agod Anut inᅇsen mi inaned malad turon fidian mi isasi dop tinaᅇ fon digane san tia ya.”

8

Sipsip Nanun kendel gureᅇ seven an ipasi a

¹ Saen Sipsip Nanun kendel guren seven a buk dufutani an ipasi yau man, kumaen panu lo mel ta liliñan igane san tia yak, agod ru taidam ilasa san tia ya. Ago mi yaug auwa wadan mi igo won a.

² An itout go ñai eñel seven e Anut naon na pempem dutur den ñeil a, ago dugo barag seven dupidinai a.

³ Agog eñel sen ta ipalug alta fun na itur a. In paura san daeg gol yakas mumalun uyan geig igane ilasa dak yabi a. An lo man in paura naok an wei mi geig dupani dop, in ate Anut san tamolpein fidian sad gadiñ da itumani wa. Ante Anut san kalik naon na yai niganag san alta gol itur dak ate Anut yai digane dupani wa.

⁴ Aria, yakas an inñsan mumalun uyan ak in Anut san tamolpein sad gudanek da itumanig, eñel e Anut naon na itur den, banin ibiseig lak na yau a.

⁵ Ago man eñel an alta san yai inañeg, daeg an lo ikulmaek go inawai a. Agog in daeg an tan na ibildu ya. An lo man, saen wei mi keit iliñan se yak, liliñan funfun dilasa se yak, weil irafule dugo kanaurig dam ilasa ya.

Barag seven eñel adi duwi a

⁶ Agog eñel seven a barag seven duburou dan, in barag an duwi wo sed ikubianaig mala nouk dumado se ya.

⁷ Agog eñel malan te yak inñsan barag iwi dugo ui ais agod yai in dar da dilasag eñel an iburoug tan na isuwarraig dudu ya. Aria, tan en ai fidian da itarpaleg malan utol dilasag, luluñad lo malan kisaek muruan ipani wa. Ui ais agod yai dar anda dudug mel a utol amaiak malan kisaek dufuni a.

An lo man tan ai fidian malan kisaek ilon lo yan yai inanai pasi a. Ago dugo gafurfur mum* ak dam fidian mi yai inani yau a.

⁸ Agog enjel tinin te imado dan inſan barag iwi dugo, mel ta did tubun ak inani dak igo won, dubuli beig lo idu ya. Aria, beig itarpaleg malan utol dilasag, luluſad lo malan kisaek muruan ipani a. Malan kisaek an lo man, beig dar igo won ilasa ya.

⁹ Mel beig lo kumaedi an dam, inſ warou ditarpaleg utol dugo, warou kisaek mi dumat pasik a. Nek ago mi, wog fidian beig aten fo weinſ diabi dan dam, warou ditarpaleg utol dugo warou kisaek mi daonſ inane ya.

¹⁰ Agog enjel uraru an tinid te imado dan, inſan barag iwi dugo patui tubun ak kisaek, sul igo inani fufari ak, keit ibiseig yau idu ya. You bururuk yau dan fidian, warou ditarpaleg utol dugo, patui tubun an idug warou kisaek an mi ifuni a, nek ago mi, you gib lo ibanai dan fidian, warou ditarpaleg utol dugo, patui an you naok an dam ifuni a.

¹¹ Patui en san yaſan man “Gigen Geig” ago dubol da. Inſ you warou kisaek fufo na idu dugo, you an gigen geig ak ago ilasa ya. You a duluk an lo tamolpein wei kasik materſ dile ya.

¹² Agog enjel a utol an tinid te imado dan, inſan barag iwi dugo, mel ta ipalug, ad, kalam agod patui muruan ipidinai a. Nuſon igane ilasa man igo ya. Nal anen anen, saen lapan ad ided dak san lilaman ta ilasa na ya, agod saen lapan tidom san lo dam kalam san lilaman ta ilasa na ya.

* **8:7:** Grin

Patui lo dam nek ago mi a. Lilaman lapan fidian ditarpaleg utol dugo, lapan kisaek ta ilasa na ya, ad lo, tidom lo dam nek ago mi a.

¹³ Nai malag yau dugo bog ta tubun ak keit titinæ mi irou dugo ñile ya. In awan tubun mi igo iwagin se ya, “Muruan di muruan agod muruan tubun geig tamolpein a tan na dumado dan sad na ilasa wo da. Enjel wadan nuñod utol amaiak inaned barag duwi wo da, saen barag an duwi dop muruan tubun geig ak ilasap tamolpein disini wa.”

9

¹ Agog enjel a enjel iwoiwo tinid te imado dan, in san barag iwi dugo patui ta ñile ya. Gubak mi keit ibiseig tan na yau idu ya. In gib kuror geig fun tia yan san dalawan san ki dupani a.

² Agog patui an gib kuror an awan ipasi a, agog yakas gib an lo ilasa yan, yai tubun ak san yakas igo won a. Agod yakas a gib lo ilasa yan, ad in keit da ibuluwaig ad in keit da tidom tubun dilasa ya.

³ Agog mel wei mi sad leil man makmaguk igo won, yakas en dibiseig tan fidian lo diau a. In dabai a diñane yan man, nek ibol tan en san buramat ai sukulon lo dumado dan sad dabai igo won a.

⁴ An lo in makmaguk adi ru igo durupidai, “An tan en san gufurfur, garan agod ai fidian dam daon ta mok apidinai na wa. Tia, an tamolpein nek a Anut san kob naod kapen fo tia yan mi madai apidinai a.”

⁵ Anut yilafu on dugo kalam kafenda lo tamolpein madai tubun geig ak dupidinai a. Ak

gug dufu dumat san geg ipidinai a. Aria, madai dupidinai na yan man, nek madai a buramat uyun bitinjen si anda yak nam talpein isue dak igo mi a.

⁶ Saen en lo, tamolpein materj san dal abanan diabi wa, gug ta dumat na wa. Inj dumat o ilod tubun mi yen da, ak man materj tamolpein an ibisawaip isol yau a.

⁷ Nai makmaguk en neil duman, inj hos yu digane wo tawan digane wonj da. Injsad kabunjad fufo mel ta gol kitikat igo wonj dien da. Naodi man tamol naod isiai a.

⁸ Injsad gumurad roun dam, pein adi sad igo mi a. Agod injsad luod dam laion luodi igo wonj a.

⁹ Nek ago mi injsad titiredi man, mel ta siot kapa igo yak nam dubuluwi a. Injsad subarid san lilijan man, hos adi karis wei mi diraug yu lo diau dak ago mi a.

¹⁰ Injsad uyudi man buramat igo wonj a, agod uyudi bitinjen san si marasin saian ak lo madai tamolpein dupidinai san yen da. Injsad uyudi dabai an ate kalam kafenda tamolpein madai tubun geig ak dupidinai a. Dabai naok ago yan uyudi lo mi yen da.

¹¹ Kinj ta kisaek injsad gurman imado da. Kinj an man enjel a gib kuror ak itirni da. Hibru ru lo enjel an yanjan Abadon dubol da, agod Grik ru lo dam yanjan Apolion dubol da, fun man “Daonj Niganag Tamol.”

¹² Aria, muruan tubun geig ak malmalan itout a. Ak man muruan tubun geig ak taidam uraru mi dilasa wa.

¹³ Agog enjel a enjel kafenda tinid te imado dan, injsan barag iwi dugo, naj tamol ta san awan njalonj

a. Alta gol a Anut naon na yen dan lo, mel ta nek ibol makau faian igo woŋ, alta san sukurun iwoiwo ante dugunig dien da. Aria, awak a ŋai ŋaloŋ an fai an lo kuai te ilasa se ya.

¹⁴ Awak an eŋel a barag yabi dan irupeig ibol, “Eŋel iwoiwo amaiak you tubun ak yaŋan Yufretis dubol dan, ate kam nam dusubanaig mala nouk dumado dan, gamu en ka bisawaip diau a.”

¹⁵ In ru an ilon go eŋel iwoiwo yan ibisawaig, tamolpein warou ditarpalep utol dop warou kisaek lo tamolpein fidian dufup dumat a. Eŋel emaiak mi, Anut ru gubak mi igansig in auwa, nal, kalam agod anaŋar nek en mi ate tamolpein dufu dumat san niŋen o tawaŋ dumado wo ago ibol a.

¹⁶ Tan na yu tamol adi a hos fufo na dumado dan, inŋsad sutek man 200 milion igo yak dubol dugo ŋai ŋaloŋ a.

¹⁷ Aria, ŋai malag ŋutun lo aban ŋile dan lo man, hos emaiak, agod tamol adi fufo na dumado dan sad leil man igo ya. Tamol adi titired fo mel ta siot kapa igo woŋ ak didiri dan, sad girager man daran, yedyed di kadabog a. Hos sad kabuŋadi man laion kabuŋadi igo woŋ a. Agod yai in yakas da, agod pat salfa inani dak san mumalun saian ak dam, hos adi an awad lo ilasag ifufurak go gidigheid diau a.

¹⁸ Tamolpein fidian tan en lo dumado den warou ditarpaleg utol go, warou kisaek man, muruan a yai, yakas, agod pat salfa inani dan nek amaiak warou an dufunig inanen tamolpein fidian dumat pasik a.

¹⁹ Hos adi sad dabai man, awad lo agod uyud lo

dam yen da. Uyudi man mot igo won a, in kabunan da ya. An lo hos uyudi amaiak nam tamolpein tinidi tubun mi madai dupani da.

²⁰ Ak gug tamolpein aenta a muruan amaiak lo materj ta dile na yan, in sed ilod lo mi tubud sewak adi, banid nam dututanai dan ta patud dupidinai na ya. Tia geig, kagin naok naok a gubak mi digane se yan dirig diau a. In bugai adi sad ubou leil digane se ya. Agod tubud sewak mitilaedi, tamol in sed banid nam gol silva bras pat agod ai nam digane yan lo dam gadin diganeg yau se ya. Tubud sewak mitilaedi an gidad aban ta dile na dugo, ru dam ta dulon na dak, agod in turen dam ta diabi na da. Ago bo man tamolpein an ilod ta ibilisa na ya.

²¹ Taida mi, tamolpein amaiak in, tamol dufu dumat san kagin, aenta lo nawir digane san kagin, inaned jeit kagin, agod inaned gumagam kagin dam, an ninedi wo ilod ibilisag kagin amaiak patud dupani man tia ya.

10

Enjel ta buk nanun ak Jon yani wo ipani a

¹ Agog enjel sen ta dabai geig ak kumaen panu nag idu dugo njile ya. In kabunan fufo galbaob ilubanig yen dugo tinin dam keit san timtaen ibuluwi a. Naon san ilalan man ad igo won a, nek ago mi njen san leil man kadan uraru inani dak igo won a.

² Enjel en man buk kutusan ak kisaek awan ikasap go yen dak yabi se ya. In njen won ak beig fufo ipare dugo, njen nas ak tan ipare da.

³ Ago dugo in awan tubun mi isasai da, nek ibol laion ibob igo won a. In ibob itout a, ago gug weil seven sad liliñan an dam inaned awad lo ru dubol ilasa ya.

⁴ Weil seven an sad liliñan itout a, ago gug ñai ru dubol en ñigire wo da. Ak man awan kisaek kumaen panu na yak ipalug igo ibol dugo ñai ñalon a, “On ru e weil seven diliñan en onsiga ilo girek lo tuep yen a. Inaned ru on ta gire na wa.”

⁵ Agog enel e tan beig da fufo itur den banin won ak kumaen panu san banen lo yabisa dugo ñai ñile ya.

⁶ Ago man in Anut yañan lo ru lak na geig ibol ilasa ya. Anut enti kumaen pempem mi imado dak, kumaen panu igane yak, mel fidian ate dumado dan dam igane yak, tan dam iganeg mel fidian ate dien dak, beig dam iganeg mel fidian dam lo dumado dan, inanen yañan lo igo ibol, “Anut saen iriñani san tia ya.”

⁷ Tia, nek enel e enel sukunda tinid ate murna geig imado den, inñan barag iwi dop san liliñan ilasa wan, kulob an san saen lo mi, Anut san ilo girek gubak mi mianuk lo yen se yan nuñon ilasa wa. Ilo girek nek amaiak mi imug inanen urat tamol profet adi irupidaig dulon a.

⁸ Agog awak a gubak mi kumaen panu nag ipalu dugo ñalon amaiak fon igo ñai irupaiaig go ibol, “On waup enel a tan beig da fufo itur dugo, banin lo buk awan ikasap go yen dan, san na susap buk amaiak ñane wa.”

⁹ Ago yak niñen o ñai enel an san na ñaug ñurupei, “On buk kutusan en ñai panag a.”

Ago man in igo irupaiag a, “On ɲanep wani wa. In on ɲinae lo yu igane wa. Ak man onsa awa lo man guburur taen igo bulbal geig a.”

¹⁰ In ru ibol itout dugo, ɲai buk kutusan an banin lo ɲinaeg ɲani a. ɲai awag lo man guburur taen igo bulbal a. Gug saen ɲai ɲani pasik an lo man ɲinaeg lo gigen ifunag a.

¹¹ Agog in igo ɲai irupaiag a. “On gidad fon mi tamolpein warou wei mi, tamolpein a tan tutubu yak san wei mi, muroun ru amad da yak wei mi, agod kin adi wei mi dam, niɲedi wo melmel dilasa san niɲen o profet ru ubol ilasa wa.”

11

Profet uraru ru dubol ilasa ya

¹ Agog ɲai melmel touad ɲabi san ai tok dupanag an, nek ibol turen san makud on a. Agog awan ta igo irupaiag, “On masap Anut san tempel Jerusalem na yen da, agod alta tempel ilon lo yen dan dam, tou amad wabi wa. Tamolpein sapta ubou ab an ilon lo ubou dile dugo dumado dan dam on sutai a.

² Ak man on aben e Anut san ubou ab in san ar patun fo ilubani yen man, tou aman ta wabi na wa. An on gidad bisei a. Ata wo? Anut aben en man gob adi in sad tumanek san aben igo won ipidinai a. Gob adi dupalup Jerusalem dupartitale dop ate san tamolpein ditirnaip yaup kalam 42 itout a. (An man nal 1,260 igo ya.)

³ Agod ɲai ɲaisag ru bilabal tamol, nunod uraru an profet ru dubol ilasa san dabai ɲupidinai a. Ago

dop in mugun san kulos didirip profet ru dufulale dop yaup nal 1,260 itout a.”

⁴ Tamol uraru en man in ai oliv agod lam uraru ninedi wo Sekaraia inanen profet ru lo gubak mi ibol ilasa ya. Tamol uraru en tan titin fidian sad Tamol Tubun ak naon na dutur da.

⁵ Agod talpein ta tamol uraru an dibitiniaip malad dusue wo tap man, yai uraru an awad lo ilasap, iwali dop sad ager adi inanai pasi wa. Dal nek amaiak lo talpein enti tamol uraru an ibitiniaip muruan ipidinai o igane dan dufunip imat a.

⁶ Uraru en in keit diabituanu san dabai amad da ya, an lo saen in profet ru dubol ilasa dan lo, ui pempep ta idu na wa. Uraru an in you fidian diganep, dar igo won ilasa san dabai amad da ya. Agod insigned ilobol lo mi man, daon panek agod subam naon funfun diganep, an lo tan en san tamolpein muruan di madai funfun ifu wa. Uraru an in dabai naok yan amad da ya.

⁷ Saen nunod uraru an, profet ru dubol ilasa san urat digane itout dop man, mel kasik ak a gib kuror fun tia yak lo imado dan, in gib an ibiseip kuai te isudap, uraru en lo yu igane wa. In uraru an ibiai dudu dop ifup dumat a.

⁸ Ago dop insad tubabudi taun tubun ak san dal tubun ak ate dien a. Taun tubun an san yan man, tou yabek ru lo Sodom in Egipta da ago dubol da, taun tubun nek emaiak ate, Tubun en aigim fo dubali dugo dufunig imat a.

⁹ Tamolpein tinid naon sensen ak, warou wei mi ak, muroun ru lo dinijen na yak wei mi, agod tamolpein tan titin fidian lo dupalu yan, nal utol

wadan da lo in̄ malad ti ibol pe, uraru an tubabudi leil dupidinai a. In̄ tamol aenta disiriai san nin̄en o dal dufou wa.

¹⁰ An lo tamolpein tan san, uraru dumat an sad mateŋ nin̄en o muguruŋ digane wa. In̄ soubul digane dop, lou kawan ak dam wei mi nugnug lo didiri ila iso wa. Man ata wo? Profet uraru an madai in̄ muruan da wei mi tamolpein tan na dumado den dupidinai na ya.

¹¹ Ak man nal utol wadan da itout gug, Anut ur kumaen san an iganeg uraru an ilod lo iladu ya. Saen uraru an dumasag dutur se yan, tamolpein uraru an dil dugo direr saian geig dop sed ibibianai se ya.

¹² Agog tamol uraru an talpein ta kumaen panu na awan tubun mi igiai dugo irupidaig ibol, “An̄ igo asida!” Ago dugo in̄sad ager adi malad lo mi, tamol nuŋod uraru an, keit san timtaen ilon lo diladug, kumaen panu lo timtaen an da disuda diau a.

¹³ Saen nek amaiak lo mi, kanaurig tubun ak ilasa dugo, taun tubun an titin kisaek daon̄ ipani a, ago gug titin 9 an yen a. An lo man seven tausen tamolpein kanaurig an lo dumat a. Gug tamolpein a dumado yan, tubun mi geig direr dugo, kumaen panu san Anut yaŋan diabisa se ya.

¹⁴ Aria, muruan tubun geig ak uraru itout a. Ak man saen kitekan mip, muruan wadan kisaek tubun geig ak ilasa wo sumeik da.

En̄el warou seven lo yan in̄san barag iwi a

¹⁵ Agog en̄el e en̄el sukunda tinid ate murna geig imado den, in̄san barag iwi dugo, kumaen panu lo awak tubun mi igo duwagin̄ dugo ŋai ŋaloŋ a.

“Anut tan titin fidian en sad kinj adi injaned kagin panek iganeg itout a, ago dugo Anut injanen Kristus da sad kagin panek ilasag abed inane ya.

An lo Tubun en injsen saen pempem kinj igo imado yau a.”

¹⁶ Agog tamol gurman adi nunod 24 injsiganed kinj san kalik fufo Anut naon na dumado dan, turud dusoluwig naod itakok tan na idug Anut ubou an dile ya.

¹⁷ Inj ago dubol,

“O Tubun en, manj ilo uyan mupano da. Onj mi Anut, onj dabai fidian ama da ya.

Onj gamu mado dak, gubak mi geig mado ya.

Gamu onjane dabai tubun geig ak njaneg, an lo fun ganeg onj Kinj igo wonj mel fidian tirnai da.

¹⁸ Gob adi tinjaed imumari se yak gug, onjane tinjae mumarek san saen man ilasag itout a.

Gamu man tamol adi dumat ak onjane kot lo dilasa wa.

Onjane urat tamol adi naon uyan ak pidinai san saen man gamu.

Awo, onjane profet adi, agod onjane tamolpein fidian dida, tamolpein fidian a onjane yanjalak na disini dan, a inj yanjad aman da yan, agod a inj yanjad tia yan dam, gamu onj naon uyan ak pidinai a.

Ago dop onj tamolpein a tan en daonj dupani se yan, gamu daonj pidinai a.”

¹⁹ Agog Anut san ubou ab kumaen panu na yan, injsan dalawan dupasig ikasap go yen da. Ago man

Anut san ubou ab lo kontrak san kunup kuai te yen dugo fidian leil dupani a. Saen an lo weil irafuleg gidigheid yau dugo, liliñan tubun mi inur a, agod weil weiwei mi diliñan dugo, tan isuruwor dugo, ui ais da pat igo woñ tubun mi geig dudu ya.

12

Jon in, mot a yanñan dragon dubol dan pein da yil
a

¹ Aria, mel ta naon sen geig ak keit lak na ilasa ya. Mel an man igo ya. Pein ta imado dan, in ad kulos oñ igane dugo itur da. Kalam ñien aten paen na yen dugo, patui 12 kitikat igo woñ kabuñan fufo dien da.

² Pein en luan aman da ya. Agod nanuk igansi san madai in lo ilasa ya. In nanuk igansi wo dugo, madai tubun geig ikubiani dan niñen o awan tubun mi isasai da.

³ Agog taida mi, mel ta naon sen geig ak keit lak na ilasa ya. An man mot daran di tubun geig a. In kabuñan seven, agod fai an 10, kabuñan fufo dilasag dien da. In kabuñan seven an fufo, kitikat ta kiñ san kitikat igo woñ dien da.

⁴ In keit san patui fidian itarpaleg warou utol dilasag, warou kisaek in sen uyun nam irianaig tan na dudu ya. Agod mot an yaug pein a nanuk igansi wo dan naon na itur se ya. In san ilon man, pein nanuk igansi wo ititiani da, agod saen nanuk ilasa dop ka yani wa.

⁵ Aria, pein nanuk tamol ak igansi a. Nanuk an murnap kiñ san tok ain yabip ate tamolpein fidian itirnai dabai a. Pein nanuk igansi la ya, ago man

nanuk an ririan disinig, Anut san na diaug, Anut da inſan kalik fo dumasig dumado ya.

⁶ Ago man pein an isol go, aben kawan ak ate yau a. Aben a pein ate imado san man Anut gubak mi ikubune la ya. Aria, aben an lo in pein an anan dupani dop kagin dupani yaup nal 1,260 itout a.

⁷ Aria, gamu yu tubun ak kumaen panu na imasa ya. Isrel san enel gurman, yaſan Maikel dubol dan, in inanen enel dida mot tubun en lo yu digane se ya. Ago dugo mot tubun an inanen enel dida yu naon digane se ya.

⁸ Ak man in yu diganep itout san dabai amad tia ya. Ago yak ninen o kumaen panu lo aben ta ate dumado san tia ya.

⁹ An lo man Maikel inanen enel dida mot emaiak san dabai kumaen panu lo yan diganeg itout a. Mot en man, in gubak mi yaſan Uf Ru San Ur, yaſan turan Satan dubol dak, ama ya. In tamolpein tan titin fidian lo yan irawai na ya. Aria, in Satan dijaneg, inanen enel adi dida sisem dubilai tan na dudu ya.

¹⁰ Agog kumaen panu lo tamol ta awan dabai geig igo iwagin dugo nalon a.

“Gamu manſama Anut inſan patu pasek, agod inſan tuon dababai ak di kagin panek dam walal isi a,

agod Kristus san dabai dam ilasag kuai te yen da.

Man dugo, mot emaiak ad tidom Anut naon na itur dugo

man teim taom uf ru lo idirai na ya,
ak gug gamu tan na dubilig idu ya.

¹¹ Man teim taom man, Sipsip Nanun san dar nam,

agod Anut san ru dufulale na yan lo dam,
in̄j mot en lo yu diganeg itout a.

In̄siganed madok nin̄en o tubun mi ta dumat na ya,
tia geig a.

Amaiak nin̄en o saen mater̄j sumeik ipidinai
bo man, in̄j ta dusuk dumul na ya.

¹² Amaiak nin̄en o an̄j kumaen panu adi,
an̄j warou fidian mi kumaen panu na amado
dan, uyasusai agane wa.

Ak man an̄j a tan na agod beig lo amado dan, kagin
agane wa.

Muruan tubun ak an̄sam na ilasa wo da. Satan
an̄sam na idu la ya.

In̄j ilon tubun mi imumari da,
man dugo, in̄j ilon̄j uyanan ak man, in̄janen saen
katukan mi a.”

¹³ Aria, saen mot an̄ dubilig tan na idu dugo ile
man, pein a nanuk tamol igansi amaiak yabi wo
n̄jen aban irig yau se ya.

¹⁴ Ak gug bog tubun ak subein uraru pein an
dupanig, an lo in̄j mot ibiseip iroup, yoitout imado
wo aben kawan ak lo yau a. Aben ante kagin
dupani uyanan pe, anan̄j dupani yaup anan̄jar utol
wadan da itout a.

¹⁵ Aria, mot en awan lo you igulani a, you an lom
tinan igo won̄j imasag yaug, pein en n̄jen aban iri
se ya. Mot in̄san ilon man, you gidad pein in̄janep
iriani yau dop ideg yau a.

¹⁶ Ak gug tan pein an̄ ibinawi a. Tan awan
isupanig mot you e igulani emaiak iluk a.

¹⁷ Agog mot in̄j pein en lo ilo wananan tubun
mok aman da ya. Amaiak nin̄en o in̄j yaug nanun
aenta lo yu igane wo da. Tamolpein nek a Anut

san ru kubiaen duri dupani dugo Jesus Kristus san ru rumok diabi dabai dan lo yu igane wo da. Ago dugo mot in lon na lul fufo na itur dugo nile ya.

13

Beig san mel kasik

¹ Agog nai malag yau dugo mel kasik ak ta kabunan seven dugo fai aman 10 an beig lo yak ilasa dugo nile ya. Fai anen anen atem kitikat gol kisaek fufo na yen da. Kabunan anak anak ate dam, yanak ta Anut njen uf ru digireg yen da.

² Nai mel kasik e nile man, nek ibol lepad* igo won a. Insan njen man bear njen on a. Insan awan dam laion awan on a. Mot amaiak insinan dabai mel kasik en tan itirni san njen o ipani a. An lo man mel kasik an, mot an kin san kalik fufo imasi dugo, inanen tuon tubun geig dam inane lo tamolpein itirnai na ya.

³ Insan kabunan kisaek wagai lo mater san baob inane manon a, ak gug kabunan an dukubuneg afon uyan isusa ya. Tamolpein fidian tan tilianek lo yan mel kasik an njen o durut saian geig dugo tinid nutud fidian mi lo njen aban duri na ya.

⁴ Mot en insinan dabai a lo tamolpein itirnai san an mel kasik an banin lo igane ya, an lo tamolpein fidian mot an ubou an dile na ya. Agod in mel kasik an dam ubou an dile na ya. Ago dugo in igo dubol, “Enti in mel kasik en igo mi ak i? Enti in lo ka yu igane wak i?”

⁵ Agod mel kasik an awan lo ru ininjen san dabai dupani a. An lo Anut imoig, mel kasik an Anut

* **13:2:** Pusi tutubu yak.

ninjen o uf ru saian geig mok ibol ilasa se ya. Agod Anut dabai ipanig an lo tamolpein itirnai dop yaup kalam 42 itout a.

⁶ Amaiak ninjen o mel kasik an awan isupanig, Anut ninjen o uf ru ibol se ya. Inj Anut yanjan ninjen o, agod Anut san aben ate imado dan, agod fidian a kumaen panu na dumado dan, ninjedi wo nao futek ru saian geig ak ibol se ya.

⁷ Taida mi, Anut mel kasik en ilefunig injanen tamolpein lo yu igane dugo ibiai dudu geig a. Agod Anut mel kasik an ilefuni dugo tamolpein warou fidian, tan tutubu yak, muroun ru anen anen, agod tinik naon sensen ak fidian mi itirnai san dabai injane ya.

⁸ Tamolpein fidian tan en lo emaiak mel kasik en dugudanip ubou an dile wa. Ak man warou kisaek mi ago ta digane na wa. Warou an man, tamolpein fidian nek a, tan en gamugo ilasa dugo, Anut injaned yanjadi buk lo igire idu ya. An man Sipsip Nanun dufunig imat ak injanen kumaen san buk nek ama ya. Aria, tamolpein nek an mi mel kasik an san ubou ta dile na wa.

⁹ Talpein ta inj kududon aman da dop, inj gidad ru en ilonj sinjaokan a.

¹⁰ Anut talpein ta subanek lo yau wo kob ipani tap, aria, inj gidad subanek lo yau a.

Agod inj talpein ta sabiri nam dufunip imat o kob ipani tap,

aria, talpein an sabiri nam ka dufunip imat a. Kagin en lo man, Anut san tamolpein gidad dumado dabai dop injaned ilo rumok diabi sakar dop dumado yau a.

Mel kasik ak tan log ilasa ya

¹¹ Agog ñai mel kasik ak sen ta tan ilon lo yak imasag isuda dugo ñile ya. Inŝan kabuñan fufo man fai aman uraru dien da, nek ibol sipsip nanunan ak san fai igo woñ a. Agod inŝan ru man mot tubun ak san ru igo mi a.

¹² Mel kasik a imug ilasa yan malan lo man, mel kasik a murna ilasa yan, inñ mel kasik a imug ilasa yan wagen lo, san dabai fidian tamolpein itirnai san inñane ya. Dabai inñane yan lo man, mel kasik a murna ilasa yan tamolpein e tan titin fidian lo dumado den idiraig, mel kasik a imug ilasa dugo inñanen mateñ san baob dukubuneg uyan isusa amaiak, ubou an dile se ya.

¹³ Mel kasik murna ilasa yan kulob girager tubun ak iganeg ilasa se ya. Inñ ago iganeg, tamolpein malad lo yai keit lo yan tan na idu ya.

¹⁴ Anut mel kasik emaiak ilefunig kulob girager naon sensen ak, mel kasik a imug ilasa yan malan lo igane se ya. An lo man mel kasik en inñ tamolpein tan na dumado den irawai pasik a, an niñen o man tamolpein mel kasik a gubak mi sabiri nam dufuni an san mitilaen ditutuñanip duguni wo isodudunai a.

¹⁵ Agod Anut imoig mel kasik murna ilasa yan inŝinan ur iwig lo mitilaen an kumaen ilasa ya. An lo man mitilaen an ru ka inñenñ san ilonñ a, agod dugo tamolpein ensauta a mel kasik an san mitilaen ta ubou an dile na yan fidian idiraig mateñ dile ya.

¹⁶ Taida mi, mel kasik a murna ilasa yan tamolpein fidian nek a yañad amad da yan, yañad

tia yan dam, filiad amad da yak, tia yak dam, a kawan dumado dak agod a bigabeg urat digane dan, fidian mi idiraig kob ta naod kapen fo boi, tia dop, banid won ak ate diñane ya.

¹⁷ An lo man, talpein ta in kob aman tia tap, aria, in tamolpein aenta sad na melmel ta idad na wak, agod aenkadi inñsan na dam melmel ta didad na wa. Kob an man mel kasik malan te yak san yañan boi, tia dop, sutek amaiak lo mel kasik an yañan tou aman yabi dan, nek ama ya.

¹⁸ Talpein ta in mel en ilon o imat tap, gidad kankan milaen uyan geig ak aman da wa. Enti in kankan milaen tubun ak aman da yan, mel kasik en san sutek kuai ka ipani wa. Sutek en man tamol ta inñanen yañan san tou yabek, agod tamol an yañan san sutek man 6 utol mi a. (666)

14

Sipsip Nanun tamolpein 144 tausen dida dutur go bar diabi da

¹ Agog ñai malag yau man, Sipsip Nanun in Did Saion fufo na itur dugo ñile ya. In 144 tausen tamolpein dida dutur da, inñanen yañan, agod Taman yañan dam, tamolpein an naod kapen fo digireg yen da.

² Ago dugo ñai ru awan ta kumaen panu lo ibol ilasa dugo ñalon a. An man nek ibol beig tubun ak imasa san liliñan boi, tia, weil san liliñan tubun ak igo won a. Nek tamolpein wei mi mel ta gita igo yak* dufuni dop san liliñan tubun mi ilasa dak igo won a.

* 14:2: Harp

³ Tamolpein 144 tausen kinj san kalik naon na dutur se ya, agod mel iwoiwo kumaed dumado dan inj matu gurman adi dam, naod na dutur se ya. Inj bar foun ak diabi se ya, tamolpein aenta bar an diabi san manjau ta dijanane na ya, 144 tausen amaiak mi bar an diabi san duloj a. Tamolpein amaiak mi tan en lo Anut idad injal a.

⁴ Tamol emaiak pein adi dida sed nun ta ipidinai na ya. Tia, inj ikokan mi dumado da. Sipsip Nanun panu fidian lo dugon te yau dan, aria, tamol adi emaiak durig dida diau da. Anut warou nek emaiak, tan san tamolpein lulujad lo idad injal a. Agop inj warou malan te Anut injal an, injanen warou lo, agod Sipsip Nanun san warou lo dam dumado wa. Nek ibol abi taman ananj malan te ilasa dak injanep, Anut yai igane pani dak igo wonj, tamol an Anut agod Sipsip Nanun da sad ilo rumok adi e tan en lo imug dilasa yen, nek ama ya.

⁵ Inj ru sewak ta dubol man tia ya. Tia, inj mel ta ninjen o dam muruan amad tia ya.

Enjel utol ru dubol ilasa ya

⁶ Agog naj enjel sen ta keit titinae mi irou dugo njile ya. Inj bilaluj uyanan pempem san isinig tamolpein tan na dumado den irupidai o da. Tamolpein tinid naod funfun lo, muroun ru naon sensen lo, warou fidian lo, agod aben fidian muroudi lo ibol ilasa wa.

⁷ Inj dabai geig igo iwagin go irupidai, “Anj gidad Anut ninjen o arer a! Inj yanjan abisa wa! Ata wo? Inj tamolpein bitinaek lo idirai san nal ilasa la ya. Anj Tamol e inj keit, tan, beig di you gib lo ibanai dan

dam idirai en, in lo mi agudani dop inanen ubou leil lo mi amado wa.”

⁸ Agog enel sen ta, in enel imug ipalu yan irig ipalu da. Enel murna yan igo ibol, “Taun tubun ak Babilon dubilig idu geig go digane itout a. Taun Babilon nek amaiak, inŝan jeit kagin dabai an ninen o, tamolpein warou fidian duri dupani na ya. Nek ibol wain dabai ak ipidinaig duluk go burau geig dilasa yak igo wonj a.”

⁹ Enel sen ta enel uraru dupalu dugo patud fo ipalu yan, awan dabai geig iwagin go ibol, “Talpein ta in mel kasik en inŝan mitilaen da sad ubou leil igane dop, agod in naon fo, tia, banin te, kob inane tap,

¹⁰ aria, in gidad wain naon sen ak ka iluk a. Wain en man Anut san ilo wananan agod Anut in wain en you da ta ibilisa dop, tia, wain an inanen ilo mumarek san gab lo iwali wa. Ago dop talpein en ka iluk a. Ago dugup enel gun ak malad lo, Sipsip Nanun malan lo dam, talpein en in yai lo, agod pat salfa inani dak lo, madai inanep ago imado yau a.

¹¹ Ago dugo yai a madai tubun geig ipidinai dan san yakas pempem mi lak na isuda yau a. Tamolpein emaiak in mel kasik, inŝan mitilaen da sad ubou leil digane da, agod inŝan yanjan san kob dinane dop, ad lo tidom lo dam inaned madai ninen o yaes bilabal amad tia wa.”

¹² Saen an lo tamolpein gun ak gidad dumado dabai a. Tamolpein a Anut awan paen na dumado dugo inaned ilo rumok Jesus lo diabi sakar dan nek an mi a.

¹³ Agog ŋai talpein ta kumaen panu lo igo iwagin dugo awan ŋaloŋ a. “Oŋ ru igo gire wa. Gamu agod nal murna san dam fidian, tamolpein a Tubun en lo dumado dop dumat tap, in ka uyad isusa wa.”

Ago dugo Awan Urgan ru naon igo ibol, “Rumok geig, in ka uyasusai digane wa. Inanen urat dabai ak dibiseip ka yaes dubal a. Man dugo, ata urat digane yan san nuŋon imug mi ilasa yan in dida kumaen panu lo diau a.”

Tan en lo ananŋ ŋilanŋal san nal idu ya

¹⁴ Aria, ŋai malag yau dugo, naog na timtaen milkouk ak kisaek ŋile ya. Ago dugo talpein ta tamol nanun igo won an fufo na imasig imado se ya. In kitikat gol aman da yak kabuŋan fo yen dugo, banin lo man bubarek luon geig ak yabi se ya.

¹⁵ Ago man eŋel sen ta Anut san ubou ab patun fo ilasa ya. In awan dabai geig talpein timtaen lo imado dan san na iwagin go ibol, “Oŋane bubarek ŋanep ananŋ tute idu wa. Ananŋ tumanek san saen ilasa la ya, an ninen o tan na ananŋ fidian ibes pasik a.”

¹⁶ An lo man talpein a timtaen fo na imado dan, inanen bubarek yabig, tan na itakoksig abi lo ananŋ ibes ak itute idug itumani dugo isini yau a.

¹⁷ Agog eŋel taidam bubarek luon geig ak yabi dan, kumaen panu lo Anut san ubou ab patun fo ilasa ya.

¹⁸ Agog eŋel sen ta alta ibiseig kuai te ilasa ya. In man alta san yai itirni san dabai aman da ya. In awan dabai geig eŋel bubarek luon ak yabi dan iwagig ibol, “Oŋane bubarek ŋanep, wain patun abi

a tan na yak lo yan tutep tumani wa. Man dugo, wain patun fidian dulubon la ya.”

¹⁹ An lo man enel en inanen bubarek inaneg, tan na itakoksig, wain kutubuk itartiti idug itumanig dien da. Ago man in wain patun an, pat bod tubun ak ilon lo tamol wain patun niedi nam dupartitale wo isuwari idu ya. En man Anut san ilo mumarek itutunani a.

²⁰ Agog Jerusalem san ar patun fo, wain nunon bod lo dupartitale dugo dar bod an lo imaspalug kuai te ilasa ya. Ago dugo dar an imaspalu yau se ya, inşan milaen man 300 kilomita igo won, tan fidian ituani a, agod inşan kuror man mita kisaek wadan da igo won a.

15

Daeg seven ilod lo muruan murnai san dien da

¹ Aria, nai kulob naon senamo geig ak kumaen panu lo ilasa dugo nile ya. Mel an man tubun a, an ninen o numasa saian go an lo dam narut saian geig da. Nai enel seven dutur dugo banid lo muruan seven a murnap tamolpein daon dupidinai san dubouro dan neil a. Agod saen kulob saiak saiak en itout dop, sen ta ilasa san tia ya, man dugo, muruan seven emaiak lo Anut san ilo mumarek itout pasik a.

² Nai mel ta nek ibol beig tubun ak galas on, yai lo dukubuli ak nile won da. Tamolpein a yu digane itout an, gubak mi mel kasik ak, inanen mitilaen agod yanşan san sutek dam dibiai dudu yan dam neil a. Tamolpein amaiak in beig galas on an giranen na dutur dugo, in melmel gita igo won Anut ipidinai an dubouro se ya.

³ Tamolpein an Anut san urat tamol Moses, agod Sipsip Nanun da sad bar diabi se ya. Bar an man igo ya.

“O Tubun en, oŋ Anut, dabai fidian ama da ya.

Urat fidian oŋ gane man tubun a. Maŋ mile dugo, iloma weiwei da.

O Anut, oŋ tamol warou fidian sad kiŋ, oŋane kulob fidian itaot di rumok geig a.

⁴ O Tubun en, enti oŋ yaŋa niŋen o ta irer na wak i?

Enti oŋ yaŋa yabisa wo imoi ak i?

Man dugo, oŋ mi gun a.

Tamolpein tan titin fidian lo dumado dan dupalup oŋ ubou ama dile wa.

Ata wo, oŋane kulob naok naok itaot mok an, gamu kuai tem walal isig, tamolpein fidian dile da.”

⁵ Mel an itout go, kumaen panu lo kontrak san ab sel dalawan dupasig yen dan ŋile ya. Ilon lo galuŋ a yaŋan aben gun di gun geig ak dubol dan ŋile ya.

⁶ Ago dugo eŋel seven e muruan seven da oŋ panek san dubrou dan galuŋ an dibiseig kuai te dilasa ya. In kulos milkouk irafuleg ikokan geig ak dupulau a, agod let gol titired fo diganeg ilubani a.

⁷ Aria, mel iwoiwo a kumaed dumado dan, lu-luŋad lo kisaek in gol daeg seven eŋel an ipidinai a. Anut e kumaen pempem imado yau den, in san ilo mumarek an daeg a seven an lo inawai a.

⁸ Ago dugo tempel san galuŋ gun di gun geig ante man, Anut san girager di dabai tubun ak yakas igane ilasa dugo yakas an aben an lo awan isa ya. Talpein ta in galuŋ gun an lo iladu san

tia ya. Tia, in̄ en̄el seven an malad digane dop muruan seven an san urat digane itout gup a.

16

En̄el seven muruan daeg seven duwalig idu ya

¹ Aria, ηai awan ta ubou ab san galuη gun an lo ilasa dugo ηaloη a. In̄ awan dabai geig en̄el seven en̄ igiai dugo ibol, “An̄ aup, Anut san ilo mumarek daeg seven lo yan awali tan na idu wa.”

² Ago man en̄el malan te yan yaug in̄san daeg iwali tan na idu ya. Agog tamolpein mel kasik ak san kob diηane dugo in̄san mitilaen ubou an dile dan, baob saian geig ak wei mi sad na ilasa ya.

³ An itout go en̄el neinta in̄san daeg iwalig beig lo idu ya. Ago man beig ibilisag, tamol dumat ak sad dar igo woη ilasa ya. Ago man melmel fidian beig lo kumaed dumado dan dumat pasik a.

⁴ En̄el a en̄el uraru tinid te imado dan in̄ dam in̄san daeg iwalig, you fidian dog lo yau dak lo, agod you fidian gib lo ibanai ilasa dan lo dam idu ya. You an fidian dubilisag dar igo woη dilasa ya.

⁵ An lo ηai en̄el a tan san you fidian itirnai dan igo ibol dugo ηaloη a.

“O Tubud Gun, oη gubak mi mado yak, agod gamu dam mado da.

Naon saian geig amaiak oη tamolpein pidinai an itaot mok a.

⁶ Tamol warou en̄ oηane tamolpein agod profet adi dufu dumat dugo, in̄sad dar ikulmaek a.

Amaiak niηen o oη talpein a saiadi amaiak dar en̄ duluk o pidinai a.

Dar e duluk den man, in̄siganed kagin saiak saiak san naon itaot ak diηane da.”

⁷ Agog ηai alta igo iwagin dugo ηalon a.

“Awo Tubud Anut, on dabai fidian ama da ya.

Tamolpein a saiadi an sad urat naon on pidi-
nai man rumok di itaot mok a.”

⁸ Aria, enel a enel utol tinid te yan inſan daeg ad fufu ikulmaek a. An lo ad san wananan isida yan, tamolpein e tan na dumado den tinid inani saian geig a.

⁹ Ad san yai tubun an man wananan geig a, an lo tamolpein fidian tinid inani se ya. Ago man tamolpein an Anut yan an lo ru saiak saiak dubol se ya, man dugo, in dulon uyanan ak man, Anut mi muruan a dile dan itirni se ya. Ago bo man in ilod dibilsag Anut yan an ta diabisa na ya.

¹⁰ Agog enel a enel iwoiwo tinid te yan inſan daeg ikulmaek go, mel kasik malan te yan san kalik fo idu ya, an man kin san kalik. Ago dugo tamolpein a mel kasik san kagin panek paen na dumado dan, sad na tidom ilasag ituanai a. Agod tamolpein an madai tubun geig ak lo inſed baled diani se ya.

¹¹ Inſiganed madai agod baob tinid fufu ilasa yan dam ninen o in kumaen panu san Anut naon dufute dupei na ya. Ak gug in ilod ta ibilisag, kagin saiak saiak digane na yan dam ta dubusei na ya.

¹² Agog enel a enel kafenda tinid te imado dan, inſan daeg you tubun ak Yufretis fufu iwalig idu yan lo, you an igos yau a. An lo kin adi ad ilasa san banen lo dupalu san dal ikubune ya.

¹³ Agog ηai ur saiak saiak utol gurogurou igo won ηeil a. In mot tubun ak awan lo, mel kasik ak awan lo, agod profet sewak awan lo dilasa ya.

¹⁴ Ur adi emaiak mi in ur saiadi a. In kulob girager naon sensen digane wo, dufurak go tan

fidian sad kin sad na diau da. Inşad urat man, kin fidian inşaned yu tamol adi dutumanai o digane da, an lo dop Anut dabai fidian aman da tamolpein kot ipidinai san nal tubun ak lo, yu diabisa wa.

¹⁵ Agog Jesus igo ibol dugo ŋaloŋ a, “Ale. Nai nek ibol gumagam tamol ipalu dak igo woŋ, anşam na ŋupalu wa. Amaiak niŋen o talpein in ŋion ta yabi na dop, inşanen kulos giranşen na idirig imado dan, ka uyan isusa wa. Nal a ilasa wan san saen lo, kabelan in nuŋon kawan itor dop tamolpein inşan miai dile banau.”

¹⁶ Aria, ur saiak saiak kin adi diŋal dupalug aben ente dutumanai a. Aben en Hibri ru lo Armagedon dubol da.

¹⁷ Agog eŋel a eŋel sukun tinid te imado dan, inşan daeg keit lo iwalig idu ya. Ago dugo awak dabai geig in galuŋ gun di gun geig ak Anut san ubou ab ilon lo yen dan lo ilasa dugo igo iwagin, “En man itout a!”

¹⁸ Ago man weil wei mi irafule dugo, liliŋan tubun mi duŋur a, ago dugo weil diliŋan ak, kanaurig tubun ak dam ilasa ya. Kanaurig an man tubun geig a, kanaurig naok igo yak ta, saen tamolpein imug tan na dumado ipalug gamu yen sad na ilasa man tia ya.

¹⁹ Aria, taun tubun ak itarpaleg lapan utol dilasa ya. Agod kanaurig amaiak tamolpein tinidi naon sensen ak sad taun tubun an fidian iratitale yau a. Agod Anut in taun tubun ak Babilon niŋen o ilon isoug, an lo gab a ilon lo wain awan isa yan inşaneg Babilon ipani a. Wain an man inşanen ilo mumarek tubun geig an tou ipani da.

²⁰ Ago dugo nui fidian dusol go diau pasik a. Agod did fidian dam talpein ta yil san tia ya.

²¹ Ago dugo ais tubun ak dudu ya. Ais lapan kisaek kisaek sad muruan 50 kilogrem igo won a. Keit lo ais an tamolpein tinid fufo dudu dugo daon tinan geig dupidinai a. Amaiak lo Anut o ru saiak saiak dubol se ya, man dugo, kulob an man ilo irer san geig a.

17

Jeit pein tubun an naon saian ak injane ya

¹ Ago man enjel nuᅇod seven daeg seven diabi dan luluᅇad lo enjel kisaek ᅇai Jon ᅇaisag na ipalug igo irupaiaᅇ a. “On palup, jeit pein a you wei mi fufo imasig imado dan, naon dugo won Anut ipani wan ᅇukubiaip ule wa.

² Tan san kin adi pein en da jeit kagin saen wei mi digane na ya. Tamol tan en san fidian in dam pein en da jeit kagin digane na ya. An lo man in fidian inanen jeit kagin san wain duluk na yan lo burau dilasa ya.”

³ Agog enjel e ᅇai da miᅇinᅇen den, ᅇioᅇamin Urgan igane ilasa yan lo ᅇai isinag go, in da aben kawan talpein an tia yak ate mau a. Aben an lo ᅇai pein kisaek mel kasik daran ak fufo imasig imado dugo ᅇile ya. Mel kasik an yaᅇak wei mi tinin fo anua ya. Gireken lo yaᅇak en fidian man, Anut niᅇen o ufru funfun agod ru saiak saiak dam dien da. Mel kasik an kabuᅇan seven dugo fai aman 10 kabuᅇan fufo dilasa ya.

⁴ Pein en kulos a igane yan daran a, agod sad girager daran an naok uraru a, man dugo, girager

uraru an kiŋ san a. In gol damag naon funfun, agod kululoi naon lak na yak, damag naon uyanan pat nam digane yak dam aman da ya. In gab gol aman da banin lo yabi da. Agod kagin naon sensen Anut malan lo iganan geig ak, pein en san jeit kagin nun anda yak gab en lo awan isag yen da.

⁵ Agod pein en naon kapen fo yaŋak ta digireg yen da. Yaŋak an man igo ya.

Ru mianuk an.

Babilon tubun a.

Jeit pein sad tinadi mok.

Agod tan san kagin iganan fidian sad muroud imado da.

⁶ Pein en Anut san tamolpein ifug dumat a, tamolpein nek Jesus yaŋan ilod lo rumok go, inŋsan yaŋan dubol ilasa na ya. Pein en gubak mi inŋsad dar iluk go, an lo nek ibol tamolpein ayu duluk pe burau digane dak igo woŋ, ago burau imado dugo ŋile ya.

Saen ŋai ago ŋile dugo ŋumasa saian go ilo sou wei mi ŋigane se ya.

⁷ Ago man eŋel an igo irupaiag a, “Ata wo oŋ masa saian ak i? Pein an, agod mel kasik ak isini dan, nek a fai aman seven dugo kabuŋan 10 aman da yan, sad fudi ŋupano wa. Mitilaen en fun imianuk a, gug ŋai ka ŋufulale pano wa.

⁸ Mel kasik en oŋ ule la ya, gubak mi imado yak, gamu fon ta imado na da. Ak man murnap in gib e fun tia yen ibiseip isuda wak gug, ideg yau geig a. Tan san tamolpein in mel kasik en dilep dumasa saian geig a. Nek tamolpein a inaned yaŋadi Anut tan gamugo igane ilasa yan lo, kumaen san buk lo

ta igire na yan, in̄ dumsa saian a. Man dugo, mel kasik en gubak mi imado yak gug, gamu ta imado na da, ago bo man murna dop kumaen fon imul da wa.”

⁹ “Talpein in̄ kankan milaen aman da tap, in̄ ka mel en fun ilon̄ uyanan a. Kabuñan seven en man, did seven emaiak fufo na pein a imasig imado dan ate tou ipani da.

¹⁰ Agod taida mi, kabuñan seven en man kin̄ seven ate tou ipani da. Kafen ta gubak mi dumat la ya. Kisaek gamu imado da. Agod kisaek gamugo kin̄ ilasa da. Saen in̄ ilasa tap, in̄ saen kitekan mi kin̄ imado wa.

¹¹ Agod mel kasik e gubak mi imado gug gamu tia yen man, kin̄ kisaek taida mi, gamu nuñod seven an luad isa da, ak man in̄ kin̄ nuñod seven an sad warou lo dam mi a. Agop in̄ ideg yau a.”

¹² “Agod fai 10 en on̄ gubak mi mel kasik en kabuñan fufo ilasa dugo ule man, in̄ kin̄ 10 ate tou dupidinai da. In̄ gamugo kin̄ sad dabai diñane ya, ak gug murna dop kin̄ sad dabai diñanep auwa kisaek mi mel kasik ak dida tamolpein ditirnai a.

¹³ Kin̄ adi en man in̄sad kankan kisaek mi a. In̄sad dabai agod yañad tubun ak da mel kasik an dupani wa.

¹⁴ Kin̄ adi emaiak in̄ mel kasik da Sipsip Nanun lo yu digane wa. Ak man Sipsip Nanun agod tamolpein a n̄ien aban duri dupani dan sisem yu lo dirin̄anai geig a. Man dugo, Sipsip Nanun man tamol tutubu yak sad Tubun a, agod kin̄ fidian sad Kin̄, agod tamolpein a in̄ dida dumado dan man, Anut ipilianaig igiai a, agod in̄ awan kagin dupani da.”

¹⁵ Ago man enjel an foun mi igo irupaiag a, “On you wei mi a gubak mi jeit pein fufo na imasig imado dugo ule yan, in tamolpein fidian tamol sad warou adi, tinik naon sensen fidian, muroun ru fidian agod warou tutubu geig ak dutumanig dumado dan ate tou dupidinai da.

¹⁶ Mel kasik en, agod fai 10 e ule yen dam, in sisem jeit pein an lo siai digane wa. In pein an san biouŋ fidian dupasi idup nuŋon kawan ilasa wa. Agop inŋsan tinin mudan diani dop yai lo dumarip inani yau a.

¹⁷ Man dugo, Anut inŋsen mi kin en kankan ipid-inaip, an lo kulob a gubak mi Anut ninen o ilon ibol amaiak ka digane ilasa wa. In ilo sou kisaek amad da wa. In kin dumado san dabai e diŋane yen, fidian mi mel kasik en dupani wa. In ago mi digane dop yaup ru a Anut gubak mi ibol an fidian nuŋon ilasa wa.

¹⁸ Pein gubak mi ule yan man, in taun tubun e tan en san kin fidian itirnai den ate tou ipani da.”

18

Babilon saian igane geig a

¹ Murnag ŋai enjel sen ta kumaen panu ibiseig idu dugo ŋile ya. Inŋsan dabai man dabai geig a, agod ilalaŋ a inŋsan nag irafule ilasa dan, tan ilalaŋ ipani siŋaokan a.

² In awan dabai geig igo iwagin go ibol,
 “Ale, taun Babilon tubun an dibildu ya, awo, Babilon dibili yau idu geig a.
 Gamu in man bugai adi sad yaes bilabal aben ago ilasa ya,

ur saiak saiak fidian sad wur igo ilasa ya,
 agod anakanak di yok naok fidian nun amad
 da yan sad wur igo dam ilasa ya.

³ Ata wo, tamolpein warou fidian in da inanen jeit
 kagin dabai ak san wain duluk a.

Tan san kin adi dam in da jeit kagin digane na ya.
 Agod tan san dadeŋ tamol adi in Babilon san ilo
 masai dabai ak san kagin lo moni wei mi
 diŋane na ya,
 an lo inanen jeit kagin an aenta sad iriŋanai
 geig an lo, tamol filiad tubun ak igo dilasa
 ya.”

⁴ Agog ŋai kumaen panu lo Anut awan igo ilasag
 iwagiŋ dugo ŋaloŋ a.

“An ŋaineg tamolpein adi, an gidad aben an abi-
 seip kuai te alasa wa.

Kabelan aupasek funfun a igane dan lo luan
 asa banau.

Agod kabelan an inŋan muruan funfun ŋai
 ŋupani wan ate dam atutou banau.

⁵ Man dugo, inŋan aupasek itumanig malan tubun
 go kumaen panu lo isuda yau la ya.

Agod kagin saiak saiak igane na yan fidian
 niŋen o Anut ilo sou igane da.

⁶ In aenta ipidinai ak igo Anut dam naon in ipani
 wan man babagaru a.

Ayu naok dugo inanen gab lo yak Anut inanep,
 ikubulip, subuŋan taidam ililip, urarum
 iluk san ipani wa.

⁷ Nek ibol in girager agod mel wei mi siŋaokan ak
 dam inŋen ipani se yak igo woŋ,
 madai tubun geig agod ilo papao a Anut ipani
 wan da tou kisaek a.

In buben ago ibol, ηai mi kwin, ηai pein suos tia ya, amaiak niηen o ηai tinaη aru ηigane san tia geig a.

⁸ Amaiak niηen o, nal kisaek ilon lo mi, naon dugo Anut ipani wan ile wa.

Naon an man mateη, mala turon, agod kadag san saen tubun a.

Yai man Babilon inani yau pasik a.

Man dugo, Tubud Anut e naon ipani den, in dabai tubun ak aman da ya.

⁹ “Tan san kiη adi e gubak mi in da jeit kagin digane se yan, agod dida inanen ilo masai san kagin ate dututou se yan, yai a Babilon inani dan san yakas dile wa. In ago dile dan lo, taun an niηen o tinaη aru digane dop ilo muruan amad da dumado wa.

¹⁰ In madai saian ak inane dan dile dop niηen o direr geig a. In asau mi dutur dop igo dubol,

‘Ilog imuηano, Babilon, ilog imuηano geig da.

Oη tubu kasik agod taun dabai geig a.

Ak man auwa kisaek ilon lo mi oηane aupasek naon saian ak oηsa na ilasa ya!’

¹¹ “Dadeη tamol adi tan fidian san, Babilon niηen o tinaη aru digane dop, ilo muruan amad da dumado wa. Ata wo, inaned biouη didad san talpein tia ya.

¹² In sad biouη wog tubun ak lo digane yau man, gol, silva, pat uyanan ak, kululoi naod lak na geig ak, yamel milkouk siηaok amadi ak, yamel daran naon funfun agod yamel silika. Agod ai naon funfun sad mumaludi uyanan ak, agod melmel naon aenta elefan san buramat nam digane ya.

Mel aenta digane man, ai naod tutubu yak lo, bras, ain, agod pat girager siñaokan ak nam digane ya.

¹³ Inaned biouñ aenta dam dien da. Sinamon ñesñes nuaen san, paura, yakas mumalun uyanan igane ilasa dak, gurenñ naon funfun mumalun uyan ak, sanda uyan ak, wain, oliv gurenñ, plaua uyan ak, agod wit da, makau, sipsip, hos di hos karis da, agod tamol bigabeg adi dam mi a.

¹⁴ “Tamol dadenñ urat digane dan Babilon igo durupei a. ‘Onjane urat san nuñon a onj ñane wo ilo ibol na yan, an fidian onj siñire na tia ya, asau mi geig dien da. Melmel uyadi didaenñ san naon tutubu yak, agod onjane biouñ bala siñaokan ak an fidian dideg la ya. Ago yak niñen o onj melmel en afon ule san tia geig a!’

¹⁵ Tamol mel an lo dadenñ digane na yan, inñ taun an san moni wei mi diñane la ya. Inñ taun an madai tubun mi inñane dop dile wa, ago dop inñ dam tubun mi direr a. Inñ asau mi dutur pe tinañ aru digane dop, ilo muruan lo dumado wa.

¹⁶ Inñ disasaip igo dubol a.
‘Ilo ma saian da, taun tubun an niñen o iloma saian geig da.

Gubak mi inñ kulos milkouk siñaok amadi ak, yamel daran ak naon funfun tinin fufo idiri na ya.

Inñ gol di pat siñaokan, kululoi naon lak na geig ak ate bala yabi se ya.

¹⁷ Auwa kisaek an ilon lo mi, moni en inñ biouñ en da fidian mi ideg yau a.’

“Wog tubun ak wei mi sad unbiek adi, agod tamol fidian weinñ diabi dan, weinñ tamol wog lo urat digane dugo tan tutubu yak lo dutor dan,

agod wog tubun amaiak sad tamadi fidian mi, dutur pe asau mi geig dumado wa.

¹⁸ Ago dop in Babilon yai inani dak san yakas dile dop disasaip igo duwagin a, 'Taun dugomaiak in taun tubun en da naon kisaek i?'

¹⁹ In tan san gufgaf duburoup, sed kabunad fo dusuwarip, tina aru digane dop ilo muruan amad da dumado wa. Ago dop in igo duwagin a, 'Iloma imuano, o on taun tubun ak iloma tubun mi imuano da.

Wog tubun ak taman adi beig lo dutor dan, in taun amaiak san moni tutubu yan lo moni tamol dilasa ya. Iloma imuano da.

Auwa kisaek ilon lo mi saian gane geig a!'

²⁰ "An kumaen panu san tamolpein, Babilon ninen o gidad uyasusai tubun mi agane wa!

O an gun adi, aposel adi agod profet adi uyam isusa wa.

Man dugo, Anut taun en san kagin ipupig ile yak ninen o naon saian ak ipani a."

²¹ Ru an itout go, enel dabai ak kisaek pat tubun ak ta ate wit dufufari idu dak inane ya. In pat en yabisag beig lo ibildu ya. In igo ibol,

"Kagin amaiak lo in Babilon tubun an dinanep dubildu dop in fon ta dile geig na wa.

²² O Babilon, gita san lilihan, dum san lilihan, barag san agod dum wek naon funfun onsa ar lo fon ta ilasa na wa.

On lo tamol adi insad urat pinein adi urat dugomaiak digane san manau dupidinai man, fon ta ilasa na wa.

Pat wit ifufari san ibob dan, in fon on lo ta ilasa na wa.

- 23 Lam san lilaman onsa na fon ta ilasa na wa.
 Pein tamol nug iwon iwon awad onsa na fon ta
 dulong geig na wa.
 Gubak mi onane dader tamol adi, in tamol tutubu
 geig tamolpein aenta malad lo dumado na
 ya.
 On nawir naon funfun gane dugo, an lo on
 tamolpein warou fidian rawai na ya.
- 24 Anut taun en ilon lo aban ile dugo dar tubun mi
 kuai ipani a.
 Dar an man profet adi agod inanen tamolpein
 gun ak sadi a,
 agod taun en ilon lo man tamolpein fidian a
 gubak mi dufu dumat ak sad dar ikulmaek
 idu yan dam ante yen da.”

19

Tamolpein Babilon daon inane yan dile yak ninjen o uyasusai digane ya

¹ Mel en itout go, nai mel ta wagin tubun ak igo
 won kumaen panu san tamolpein warou tutubu
 yak dubol dugo nalon a.

“Aleluia,* id Anut per tupani wa!

Patud pasek, girager agod dabai da in-san mi a.

² Man dugo, in-san kot man rumok di itaot mok a.

In jeit pein tubun en, inanen jeit kagin lo, ta-
 molpein tan san fidian mi inaned madok
 malan isue dugo nun dilasa yan, yabi idu
 ya. An lo naon itaot ak ipani a.

* **19:1:** Hibru ru ‘aleluia’ san fun: Yawe per tupani.

Pein en inſan aupasek lo Anut san urat tamol di
urat pein ifug dumat an lo aupasek amaiak
gamu naon ipani a.”

³ Inj fon mi igo duwagin a.

“Aleluia!

Taun tubun en yai inani da, amaiak san yakas
pempem mi lak na isuda yau da.”

⁴ Matu gurman adi 24 inj mel iwoiwo kumaed
dumado dan dam, Anut kin san kalik fufo imado
dan, naon na turud dusoluwig inj ubou an dile ya.
Inj igo dubol a,

“Rumok. Aleluia, manj Anut per mupani da!”

⁵ Agog talpein ta awan kin san kalik lo ilasag igo
iwagin go ibol,

“Anj idsad Anut san urat tamolpein, anj Anut per
apani wa.

Anj tamolpein kawan ak,

agod tamolpein yanad anda yan,

anj fidian mi gamu Anut yanjan abisa wa!”

⁶ Agog naj liliſan tubun ak nek ibol tamolpein
warou adi dutumanig dumado dugo sad ru ilasa
dak igo wonj njalonj a. An man nek ibol you wei mi
sad liliſan ilasa da, tia, weil tubun mi iliſan dak igo
wonj a. Inj igo duwagin da,

“Aleluia, id Anut per tupani wa.

Ata wo, idsad Tubud Anut dababai fidian mi aman
da yak, gamu kin rumok imado da.

⁷ Gamu id ilod uyan pe yousai tubun mok tigane
wa.

Ata wo, Sipsip Nanun inj iwon pein injane san nal
idu ya,

agod inſan pein sen bala ipanig malan igane
da.

⁸ Anut ilon ibol an lo man, kulos milkouk siñaokan geig ak pein an injaneg idiri a.

Kulos en ikokan di lilaman geig a.”

(Kulos e milkouk siñaokan en, in Anut san tamolpein sad kagin itaot digane na yan ate tou ipani a.)

⁹ Agog enel an igo irupaiag a, “On ru igo gire wa. Talpein e Sipsip Nanun pein inane san anan tubun ak lo Anut igiaig dupalu yen, uyasusai digane wa.” In fon mi igo irupaiag, “Ru en man Anut san ru rumok a.”

¹⁰ An lo gug nai enel en sinjiren na turug nusoluwig in ubou an nile wo da. Ak man in igo irupaiag, “On gidad ago ta gane na wa. Nai man on tei murou nek a Jesus ninen o ru diabi dabai dan dida, id sisem urat kisaek a. On Anut mi ubou an ule wa! Man dugo, idsad ru Jesus ninen o tabol ilasa dan, nek an mi profet adi sad ru fun mok a.”

Jon in tamol hos milkouk ak fo imado dugo ile ya

¹¹ Nai kumaen panu awan ipasig, hos milkouk ak imado dugo nile ya. Tamol a yanjan Uyan di Rumok dubol dan hos an fufu imasig imado se ya. In kagin itaot mok an lo mi tamolpein kot lo ibitiniyai dak agod yu igane da.

¹² Inanen malan man yai ided on da, agod in kin san kitikat wei mi kabunan fo dien da. In tinin fo yanjak kisaek girek a, agod insen kisaek mi yanjak an ilon a, tamol aenta man tia ya.

¹³ In kulos igane dan gubak mi dar lo dusomini a. Agod in yanjan igo dubol, Anut san Ru.

¹⁴ Kumaen panu san yu tamol adi, agod yu pein adi dam, insiganed hos milkouk ak fo dumasig njen

aban dirig patun fo dida dupalu se ya. In kulos milkouk sisiŋaok amadi ikok geig ak didiri a.

¹⁵ Sabiri kisaek luon geig ak ta tamol an awan lo ilasag gidigheid yau se ya. Sabiri an lo in tamolpein warou fidian ibiai dudu wa. In makud ain yabip, an lo tamolpein warou fidian itirnai dabai a. In pat bod tubun ak lo wain patun ipipi wo ipartitale wa. Wain an man Anut dabai fidian aman da yan san tiŋae mumarek tubun geig ak ate tou ipani da.

¹⁶ Inŋsan kulos milaen an fo, agod ŋien dam fo yaŋak en digire ya.

Kiŋ fidian sad Kiŋ,
agod tamol tutubu yak fidian sad Tamol Tubun a.

¹⁷ Agog ŋai eŋel kisaek ad malan lo itur dugo ŋile ya. In awan dabai geig lo anakanak keit titiŋaem durou dan igiaig igo ibol, “An apalup atumanip, Anut san anaŋ tubun en malan agane wa.

¹⁸ An kiŋ adi sad tinidi, yu tamol sad yu gurman dababai ak, hos agod tamol hos fufo dumado dan, tinidi ka ani wa. An tamol fidian, tamol sen ka bigabeg dumado dan, tamol kawan dutor dan, tamol gidigheid ak, agod tamol yaŋad aman da yak, sad tinid mudan ani wa.”

¹⁹ Agog ŋai mel kasik en, agod tan san kiŋ adi agod sad yu tamol dida dupalug dutumani dugo ŋeil a. In dutumanig an lo Tamol e hos milkouk ak fufo imado den, inanen yu tamolpein dida in lo yu digane wo da.

²⁰ Ak man Tamol e hos milkouk ak fufo imado den, mel kasik an yabig isubani a. Profet sewak an dam yabig isubani a. Profet sewak en mel kasik an naon na kulob girager wei mi idiri ilasa na ya, an

lo tamolpein a mel kasik an san kob injane dugo, san mitilaen dam ubou an dile yan, irawai se ya. Agog mel kasik in profet sewak da, nuḡod uraru kumaed dumado dugo, gib saltek tubun en lo pat salfa awan isag, inani dak lo diabibol dudu ya.

²¹ Ago dugo Tamol e hos fo imado den, inḡsan sabiri awan lo yen dan ate, mel kasik san yu tamol ifug dumat pasik a. Agog anakanak adi fidian yu tamol adi sad sisanun dianig, luad ikafut idu ya.

20

Kristus anaḡar 1,000 tan na tamolpein itirnai a

¹ Ago man ḡai eḡel ta kumaen panu ibiseig tan na idu dugo ḡile ya. Inḡ banin lo man gib kuror fun tia yak san ki yabi dugo sein tubun geig ak ta dam yabi a.

² Eḡel en tan na ilasa dugo mot tubun en yabi a. Mot en man wagam geig ak san, yaḡan Satan dubol da, yaḡan taidam Uf Ru San Ur ago dubol da. Aria, eḡel en yabig sein nam isubanig, subanek lo anaḡar 1,000 ago imado wa.

³ Eḡel en Satan ibal gib kuror fun tia yak lo idu ya. Inḡ gib en san dalawan ifutanig lok iganeg dabai geig dugo, Satan kuai te ilasa san tia geig a. An lo Satan fon tamolpein warou fidian dumado dan irawai san dal tia ya. Satan gidad malan igane dop, anaḡar 1,000 yau gup, dubuseip kuai te ilasap saen katukan mi gidigidad itor a.

⁴ ḡai kalik wei mi ḡeil a, inḡ nek ibol kinḡ adi sad kalik igo woḡ a. Ago dugo tamolpein kalik an fufu dumado dak ḡutudi dam ḡeil a. Anut inḡ tuod lo tamolpein bitinaek lo didiri san dabai ipidinai a.

Tamolpein en Jesus o ilod lo rumok, inſan ru diabi sakar dugo, dubol ilasa na ya. Inj dam mel kasik an, agod san mitilaen dam ta ubou an dile na ya, agod mel kasik an san kob man, inj banid fo, tia, inj naod kapen fo ta diſane na ya. Fun amaiak niſen o ager adi burodi dutute dugo dufu dumat na ya. Tamolpein emaiak fon kumaed dumasag kinj igo woſ Kristus da sisem anaſar 1,000 dumado na ya.

⁵ Aria, en man tamolpein mutou lo yak foun dumasa dak sad saen malan te ya. (Tamolpein aenta dumat la yan, inj saen an lo kumaen ta dumasa na ya. Saen anaſar 1,000 itout gup, tamolpein an kumaen dumasa wa.)

⁶ Tamolpein malan te mutou lo foun dumasa dan, ka ilod uyanan pe uyasusai tubun mi digane wa. Mateſ murnai san man, tamolpein naok amaiak ibiai dudu san dabai an tia ya. Tia, inj Anut Kristus da sad pris adi ago dumado wa. Ago dop inj Kristus da anaſar 1,000 en lo tan na tirnek tamol igo dumado yau a.

Anut Satan daoſ ipani a

⁷ Aria, saen anaſar 1,000 en itout dop, gib kuror fun tia yak ate Satan subanek lo imado dan awan dupasip subanek ibiseip ilasa wa.

⁸ Satan tamolpein a tan titin fidian lo dumado dan irawai o kuai te ilasa wa. Tamolpein an man Gok inj Magok da sad warou adi. Satan itumanaip yu diabisa wa. Inſad yu tamol sad sutek man loſ na lul igo woſ a.

⁹ Yu tamol an tan titin fidian lo dupalup tan aten fo turenj diabip, gun adi sad aben agod taun tubun ak e Anut niſen o imat den ate dilasap disalti wa.

Ak man, yai kumaen panu lo yan idup, yu tamol adi an inandai pasik a.

¹⁰ Agog Satan gubak mi rawek igane se yan diabip, yai saltek a pat salfa ided dan ilon lo dibili idu wa. Ante man mel kasik ak in profet sewak da gubak mi diabibol dudu la ya. Ago dop nunod utol an ad tidom pempem mi madai dam muruan dam disini wa.

Kot tubun ak ilasa ya

¹¹ Agog naj kalik tubun milkouk ak, agod Enti in kalik fufo imado dan dam nejil a. Tan keit da in naon na dien san ta idaisuda na ya, an ninen o dusol diaug itout yau a.

¹² Ago dugo naj tamolpein yanjad aman da yak, tamolpein kawan a dam dumat la yan nejil a. In kin san kalik naon na dutur se ya. Kot san buk awad dupasi dugo, buk taidam awan dupasi a. An man kumaen san buk. Gubak mi kulob dugo dugo tamolpein digane na yan, an fidian buk lo digire ya. Aria, gamu Anut in buk an ilod lo ile dugo, ru dugo digireg yen den iri panim, ago mi tamolpein dumat la yan sad kagin naok naok atem, naon atem itaot mok ipidinai se ya.

¹³ Tamolpein ensauta beig lo dumat go ate dumado dan, in dumasag beig dubuseig kot lo diaug dutur se ya. Tamolpein ensauta a Mater in Ades da lo dien dan, in dam dumasag kot lo dutur se ya. Ago dugo Anut tamolpein an fidian mi sad kagin dugo dugo tan na digane na yan bitinaek lo idirai dugo naon ipidinai a.

¹⁴ Agog Mater Ades da yai saltek an lo diabibol dudu ya. Yai saltek an man mater murnai a.

¹⁵ Tamolpein fidian yanjad kumaen san buk ilon lo ta yen na tap, yai saltek lo diabibol dudu diau a.

21

Anut melmel fidian idiraig foun dilasa ya

¹ Nai malag yaug keit foun ak inj tan foun ak da dien dugo neil a. Tan wagam ak inj keit wagam ak da ditout diau la ya, agod beig dam itout yau dugo foun ak ta aben injane man tia ya.

² Nai Anut san taun tubun ak njile dan man, Jerusalem foun a. Nai malag lo Jerusalem foun an Anut san kumaen panu ibiseig idu se ya. Insan bala man uyanan geig a, nek ibol pein tamol injane wo damag dupani ak igo mi a.

³ Ago dugo kinj san kalik fo na talpein ta awan dabai geig ak, igo iwaginj dugo njalonj a. “Alonj ak, gamu Anut injanen tamolpein lulunjad lo imado da. Inj dida sisem turenj diabi wa. Tamolpein en man Anut san warou mok a. Anut injen mi dida dumado wa.

⁴ Inj tamolpein an malad turon isasi pidinai dop fon ta dumat na wa. Inj ilo muruan dam tinaj dam tia wa. Inj madai fon mi ta dile na wa. Man dugo, melmel wagam ak san man gamu itout geig a.”

⁵ Enti a kinj san kalik fo imado dan igo ibol, “Alonj ak, naj melmel fidian njidiraig foun ak dilasa wo da.” Inj fon mi igo ibol, “Onj ru en gire wa. Ru en man rumok geig a. Tamol fidian ru en ka ilod lo rumok a.”

⁶ Agod inj igo naj irupaiag a, “Melmel fidian dilasa la ya. Nai mi malan te njumado dak, ago mi murna dam njumado wa. Nai mi fun, agod naj mi wadan. Gidad talpein ta kulagun igos dop, naj you

kumaen san e sen ibanai den njanep, naon tia kawan njanip iluk a.

⁷ Talpein enti yu igane itout dop mel en fidian injsad tamad imado wa. Nai man injanen Anut, agod inj dam naineg nanug mok a.

⁸ Ak man, talpein a direr dugo dusuk dumul dan, talpein a inaned ilo rumok patud dupani dan, a kagin saian geig nun anda yak digane dan, talpein a dufu dumat dan, a jeit kagin digane dan, a nawir digane dan, a tubud sewak adi lo dugudani dugo sad ubou leil digane dan, agod tamolpein fidian ru sewak dubol dan, inaned aben man, yai saltek pat salfa lo ided dan ate dumado wa. En man mater nurnai a.”

Jon Jerusalem foun ak ile ya

⁹ Enjel seven injsad daeg lo muruan seven a tamolpein malad isue san awan isa yan diabi da. Aria inj lulunad lo enjel ta kisaek naisag na ipalug igo irupaig, “On palup, nai nug njanek san pein nukubiaip ule wa, an man Sipsip Nanun san pein.”

¹⁰ Ago dugo enjel en, njonamin Urgun igane ilasa yan lo nai isinag go, inj da did tubun lak na geig ak fo mau a. Ante man inj taun tubun gun ak Jerusalem ikubiaig nai nile ya. An Anut san na kumaen panu ibiseig idu dugo leil njanip se ya.

¹¹ Anut san lilaman girager tubun an naon senamo geig taun an lo irafule dugo aban kuai isi a. An nek ibol pat sinjakan yanjan jasper naon lak na geig ak igo won a. Pat jasper san lilaman man pat daran di kadabog, agod mum igo won ided da, sinjakan geig man nek galas on a.

¹² Taun en man inſan ar tubun di lak na geig a. Inſan dalawan 12 ar ate dien da. Eñel 12 dalawan an ſinjired na dutur se ya. Agod Isrel gugoi 12 sad yañadi dam dalawan ate digireg dien da.

¹³ Ar en san titin ad ilasa dak lo man, san dalawan utol a. Inſan titin not lo man dam dalawan utol, saut lo dam utol a. Ar titin ad idu yau dak lo an dam utol a.

¹⁴ Pat 12 taun en san fun dabai dupanig dien da. Sipsip Nanun san aposel 12 an yañadi dam pat en fo na digireg dien da.

¹⁵ Agod eñel e ñai da mukubiai den, makud gol ta lo tou igane san aman da ya. In taun tubun en, agod inſan ar, agod ar san dalawan dam touad igane wo da.

¹⁶ Taun tubun en san giranjen iwoiwo yan san tou man naon kisaek a. Inſan milaen inſan tubun dam tou naon kisaek mi a. Eñel makud an nam taun tou yabig, san tou man 12,000 kilomita igo woñ a. Taun giranjen iwoiwo yan, san lak na dam fidian sad tou naon kisaek a.

¹⁷ In taun an san ar tou yabig, ar san bubañan san tou man 144 mita igo woñ a.

¹⁸ Taun an san ar man, Anut gubak mi pat ſinjaokan daran di tinin mum ak nam igane ya. Taun inſen man Anut gol nam igane ya, ſinjaokan geig di ibol galas oñ a.

¹⁹ Taun an san ar fun man, Anut pat sensen naod lak na yak nam damag ipani a. Pat ſinjaokan ar fun te man jasper. Tinin te man pat yedyed ak yañan safaya. Ta man pat girager wei mi dukubuli dan yañan aget. Ta man pat mum ak yañan emeral.

²⁰ Pat kafen ak san girager man daran di milk-

ouk da, yaŋan onikis. Pat sukun an man daran, yaŋan konilian. Pat balab man kadabog, yaŋan krisolait. Pat mum ak ta man naon sen ak ibol beig oŋ yaŋan beril. Ta man pat kadabog ak yaŋan topas. Ta yaŋan krisopres, san girager kitek mum oŋ a. Ta yaŋan aiasin, san girager man daran di kadabog da dukubuli a. Ta yaŋan ametis, san girager man ibol daran di yedyed da dukubuli igo woŋ a.

²¹ Dalawan 12 en man, kululoi milkouk 12, sad naod man lak na geig a. Dalawan kisaek kisaek atem kululoi tubun ak kisaek kisaek nam digane ya. Taun san dal malan te yak gol nam digane ya, agod san leil man nek ibol galas oŋ a.

²² Nai ubou ab ta taun en lo yen dak ŋile man tia ya. Tia, Tubud Anut in dabai fidian anda yan, Sipsip Nanun da in sed mi ubou ab san aben diŋane ya.

²³ Taun en lo ad in kalam da lilaman digane san urat amad tia ya. Tia, Anut san ilalaŋ tubun an mi lilaman ipani da. Agod in san lam man Sipsip Nanun mi a.

²⁴ Tamol warou fidian man taun en san lilaman lo dutor a. Ago dop tan san kiŋ adi in aned filiadi an disinip in san na dupalu wa.

²⁵ Ad lo in ar san dalawan ta dufutani na wa. Tidom fon taun an lo ta ilasa na wa, an lo man ar san dalawan pempem mi ikasap dien a.

²⁶ Tamolpein warou fidian sad melmel girager amad da yak, agod mel uyanan dam disinip taun an lo diladu wa.

²⁷ Mel ta nun anda yak taun an lo ta iladu na wa, tia geig a. Tamolpein a miai kagin, agod rawek kagin digane dan dam ta diladu na wa. Tia,

tamolpein a inaned yanjadi Sipsip Nanun inanen kumaen san buk lo digire yan mi ka diladu wa.

22

You kumaen san agod ai kumaen san

¹ Agog enjel en ηai you tubun ak ta ikubiaig ηile ya. You en kumaen san, in-san lilaman nek ibol galas on a. You en Anut in Sipsip Nanun da sad kalik paen na ilasa dugo,

² taun titiηae mi yau da. You san awan gigin aenta lo agod aenta lo dam ai kumaen san dutur da. In ananar kisaek ilon lo saen 12 nunod dufu da, kalam kisaek kisaek ate mi. Ai roudi an tamolpein subam ad da yak ikubunia san.

³ Mel ta Anut san misilane ru paen na yen dan taun en ilon lo ta yen na wa. Anut in Sipsip Nanun da sad kalik kisaek an mi taun an lo yen a. Ago dop Anut san urat tamol, urat pein dam in lo ubou dile wa.

⁴ Tamolpein en Anut naon ka dile wa, agod in yanjan man naod kapen fo igirep yen a.

⁵ Tidom fon ta ilasa na wa. Lam in ad da lilaman digane san urat amad tia wa. Tia, Anut in sen mi in sad lilaman. Agod in anen tamolpein an in kin agod kwin dilasap pempem mi ago dumado wa.

⁶ Enjel e ηai da mukubiai den igo irupaiag a, “Ru en fidian man rumok geig a, tamol fidian ru en ka ilod lo rumok a. Agod Anut Tubun ak in profet ηutudi sad Anut, in anen enjel idinig urat tamol adi agod urat pein dam, mel fidian mitep ririan dilasa san ikubiai pidinai o ipalu ya.”

Jesus ririan imul ipalu wa

⁷ Jesus ibol, “Alon uyan. Nai anŝam na nupalu san saen sumeik la ya. Aria, talpein ta Anut san ru murnap ilasa san buk en lo yen den iri ipani dan, uyasusai ka igane wa, man dugo, in bar uyanan inane wa.”

⁸ Nai Jon, nai ru en nalon dugo mel fidian dam malag nam nile ya. Agod saen nai nalon dugo nile yan man, nai enel emaiak mel e fidian ikubiag nile yen, nien fun na turug nusoluwig in lo ubou nile wo da.

⁹ Ak man in nai irupaiag, “On gidad ago ta gane na wa. Nai on da urat kisaek a. Taida mi, onane tei tao profet adi, agod tamolpein a buk en san ru diganuri dan man dida urat kisaek a. Anut mi ubou an ule wa!”

¹⁰ In fon mi nai igo irupaiag a. “Profet ru buk en lo yen den, on ta pirani na wa. Tia geig, man dugo, ru en nunon ilasa san nal man ipalu sumeik a.

¹¹ Saen katukan ak ninen o, talpein kagin saiak saiak digane dan in ago mi ka digane wa. Talpein kagin nun aman da yak digane dan, in dam ago mi digane yau a. Talpein kagin itaot digane dan, kagin nek ago mi ka digane yau a. Agod gun adi dam inaned kagin gun an mi ka digane yau a.”

¹² Jesus igo ibol, “Alon ak, nai nupalu san saen sumeik a. Nai tamol fidian inaned urat emaiak san naon nupidinai san nisinip nupalu wa. Nai tamol kisaek kisaek urat dugo dugo digane na yan atem itaot inaned urat naon nupidinai a.

¹³ Naiseg mi imug numado yak, agod wadan lo dam numado wa. Nai mi malan te numado dak, ago mi murna dam numado wa. Nai mi fun, agod nai mi wadan.

14 “Tamolpein inaned kulos dufulani la yan, in uyasusai digane wa. In ai kumaen ipidina san an ate anaŋ ka diŋane wa. Agod in taun san dalawan lo ka diladu wa.

15 Ak man gown adi agod tamol adi a nawir digane dan, tamol jeit kagin digane dan, tamol dufu dumat dan, a tubud sewak lo ubou dile dan, tamol fidian a kagin sewak duri dupani dan, tamol naok amaiak taun san ar patun fo dumado wa.

16 “Ŋai Jesus, ŋai gubak mi ŋaisag eŋel ŋidinig aŋsam na yau a, an lo ru e aŋ Kris midaeŋ adi alon la yen irupaiaŋ a. Ŋai man kiŋ Dawid san ai dabin, agod inŋan malan kubulan. Ŋai man patui nek a salso idu dop ided dan nek ama ya.”

17 Awan Ur in Sipsip Nanun san pein da Jesus durupeig ago dubol, “Oŋ palu.” Agod talpein enti buk en lo ru ilon dan in dam ka ibol, “Oŋ palu.” Talpein enti kulagun igos pe iluk o imat dop, in ka ipalup you kumaen san an naon tia kawan inane wa.

18 Ŋai ru dabai nam tamolpein fidian a profet ru buk en lo dulon an ŋurupidai da. Talpein enti buk en lo ru sen ta ibate dop, aria, buk en lo mel saian geig Anut niŋen o ibol en, Anut inŋen mi ibatep talpein an san na ilasap isini wa.

19 Taida mi, talpein ta in profet ru aenta buk en lo yen den ipasi yau dop man, muruan naok en in isini wa. In ai kumaen an lo anaŋ ta inane na wa. Agod Anut san taun niŋen o buk en ibol dak, ilon lo ta imado na wa.

20 Tamol mel en fidian niŋedi wo ibol ilasa den, gamu igo ibol, “Rumok nuŋon, ŋai milaen tiap ŋupalu saltik oŋ a.”

Rumok. O Tubun ak Jesus, oŋ palu!

²¹ Tubun ak Jesus inanen ilo panek aŋ Anut anen tamolpein fidian mi ida ka amado wa. Rumok.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Apr 2025 from source files dated 31 Aug 2023

757b3e4e-2023-5b45-893a-ee9294ddeb9d